

傷寒論條辨卷之二

新安方有執中行甫著

桐川陳廷柱斟鐫

渭南嚴式誨重刊

辨太陽病脈證并治中篇第二

凡五十七條  
方三十二

太陽統攝之榮衛乃風寒始入之兩途寒則傷榮故以營傷於寒而病者為中篇夫寒冬令也秋末

春初以間乎冬寒則有之他時雖或暴變清冷大率不外本序之令氣耳終不得入隆冬嚴寒之例以病言之必也證候顯見如經始可謂為傷寒不可少有分毫違錯蓋經之所以條例各病對此而



辨論者正為與傷寒分別爭差也讀者極力反復

精究其旨久久成熟一旦貫通則諸病自然親切

而於凡異說之紛紜者皆不為其所惑矣慎哉

①太陽病或已發熱或未發熱必惡寒體痛嘔逆脈

陰陽俱緊者名曰傷寒

或未定之詞寒為陰陰不熱以其著人而客於人之陽經鬱而與陽爭爭則蒸而為熱已發熱者時之所至鬱爭而蒸也未發熱者始初之時鬱而未爭也必定然之詞惡寒見上篇然此以寒邪鬱榮故榮病而分見惡寒曰必者言發熱早晚不一而惡寒則必定即見也體痛者寒主堅凝而傷榮則榮實而強衛虛而弱矣榮強則血澀衛弱則氣滯故痛也嘔吐也逆俗謂惡心是也胃口畏寒而寒湧也陰謂關後陽謂關前俱緊三關通度而急疾寒性強勁而然也難經曰傷寒之脈陰陽俱盛而



緊澀是也傷猶中也彼此兩相更互發明言太陽  
 之為病中風固如彼矣若或有如此者則又是觸  
 犯於寒而中之也然陰寒之襲人從榮而入榮血  
 道也寒之所以從榮入者榮亦陰亦從類也猶龍  
 虎之於風雲水火之於燥溼各以其類而相從之  
 自然也此揭太陽分病之紀二乃此篇之小總下  
 條乃申此而互言之詳其義以出其治餘皆此條  
 之差分耳首尾脈絡綱領條目大端悉類上篇乃  
 上篇之對待太陽之太三辨上篇一此其二已  
 下凡首稱傷寒者則又皆指有此云云之謂也

二 太陽病頭痛發熱身疼腰痛骨節疼痛惡風無汗  
 而喘者麻黃湯主之

麻黃湯方

麻黃

三兩  
去節

桂枝

二兩  
去皮

甘草

一兩  
炙

杏仁

七十箇湯  
浸去皮尖



渭南嚴氏孝

右四味以水九升先煮麻黃減二升去上沫內諸藥  
 煮取二升半去滓溫服八合覆取微似汗不須啜粥  
 餘如桂枝法將息

此申上條而更互言之所以致其詳而出其治也  
 頭痛已見太陽病而此猶出者以其專太陽而主  
 始病也上條先言或已發熱或未發熱而此先言  
 頭痛次言發熱者則是以其已發熱者言也身疼  
 腰痛骨節疼痛即上條之體痛而詳言之也上條  
 言必惡寒而此言惡風者乃更互言之與上篇嗇  
 嗇惡寒淅淅惡風雙關互文之意同無汗乃對上  
 篇之有汗而言以見彼此兩相反所以為風寒之  
 辨別不然無是證者則不言也然所以無汗者汗  
 乃血之液血為榮榮強則腠理閉密雖熱汗不出  
 也喘氣逆也衛主氣衛弱則氣乏逆呼吸不利而  
 聲息所以不遂也然上條言嘔而此言喘嘔與喘  
 皆氣逆亦互言以明互見之意麻黃味苦而性溫  
 力能發汗以散寒然桂枝湯中忌麻黃而麻黃湯



中用桂枝何也曰麻黃者突陣擒敵之大將也桂枝者運籌帷幄之參軍也故委之以麻黃必勝之算也監之以桂枝節制之妙也甘草和中而除熱杏人下氣而定喘惟麻黃有專功之能故不須啜粥之助

傷寒一日太陽受之脈若靜者爲不傳頗欲吐若燥煩脈數急者爲傳也

傷寒者以上二條互言者而言也下做此一日太陽受之太陽主表而屬外故外者先當也靜謂恬退而和平也緊退恬靜和平其爲不傳而欲愈可診矣頗欲吐屬上言不甚待吐而不吐蓋嘔逆未全止也燥乾也數五六至已上也其主熱急燥疾也欲傳而加進可知也

傷寒二三日陽明少陽證不見者爲不傳也

見音現○上條舉太陽而以脈言此復舉陽明少陽而以證言次第反復互相發明也然不傳有二



一則不傳而遂自愈一則不傳而猶或不解若陽明少陽雖不見太陽亦不解則始終太陽者有之餘經同推要皆以脈證所見為準若只蒙襲拘拘數日以論經則去道遠矣

五脈浮者病在表可發汗宜麻黃湯

表太陽也傷寒脈本緊不緊而浮則邪見還表而欲散可知矣發拓而出之也麻黃湯者乘其欲散而拓出之之謂也○方見前

六脈浮而數者可發汗宜麻黃湯

浮與上同而此多數數者傷寒之欲傳也可發汗而宜麻黃湯者言乘寒邪有向表之浮當散其數而不令其至於傳也

七脈浮數者法當汗出而愈若下之身重心悸者不可發汗當自汗出乃解所以然者尺中脈微此裏虛



須表裏實津液自和便自汗出愈

主薑二兩

此承上條復以其治不如法因而致變者言曉人當知謹也身重下後陰虛而倦怠也悸屬心心主血陰虛則血虛所以心不寧也蓋不當下而反下之故證變如此不可汗者禁勿重亡津液以復損其陰也當自汗出乃解者言下雖反而病未甚變須待其津液回當得自汗而解也所以然者已下乃申釋上文之詞裏虛以亡津液言須表裏實以待津液回邪還表言也

八傷寒發汗解半日許復煩脈浮數者可更發汗宜

桂枝湯主之

更平聲

傷寒發汗者服麻黃湯以發之之謂也解散也復重復也既解而已過半日之久矣何事而復哉言發汗不如法汗後不謹重新又有所復中也蓋汗出過多則腠理反開護養不謹邪風又得易入所以新又煩熱而脈轉浮數故曰可更發汗更改也言當改前法故曰宜桂枝湯桂枝湯者中風解肌



之法微哉旨也庸俗不省病加小愈之義不遵終  
 制自肆粗工不喻汗法微似之旨騁以大汗為務  
 病致變矣反謂為邪不盡汗而又汗輒轉增劇卒  
 致莫救不知悔悟噫讀書不喻旨趙括鑒矣學醫  
 廢人命伊誰  
 鑒邪傷哉

〔九〕發汗已脈浮數煩渴者五苓散主之

〔八〕已言發汗畢非謂病罷也浮數煩與上同而此多  
 渴渴者亡津液而內燥裏證也以證有裏而人燥  
 渴故用四苓以滋之以表在而脈浮數故憑一桂  
 以和之謂五苓散能兩解表裏者此也方見上篇

〔十〕傷寒汗出而渴者五苓散主之不渴者茯苓甘草

湯主之

茯苓甘草湯方

茯苓 二兩

桂枝 二兩  
去皮

生薑 二兩  
切





甘草 一兩

右四味以水四升煮取二升去滓分温三服

傷寒不汗出汗出者以發之而出者言也然則此條二節上節乃承上條而以其不煩者再言下節乃承上節而以其更不渴者又出也不煩則熱較輕可知故治亦不殊不渴則內燥更減可識故但用四苓之一以潤之然裏證既輕則表為猶多可必故須桂枝之三以解之然則此湯之四物其桂枝五苓二方之變制與

①傷寒汗出解之後胃中不和心下痞鞭乾噫食臭

脇下有水氣腹中雷鳴下利者生薑瀉心湯主之

生薑瀉心湯方

生薑 四兩

甘草 三兩

人參 三兩



乾薑 一兩

黃芩 二兩

半夏 半升

黃連 一兩

大棗 十二枚

右八味以水一斗煮取六升去滓再煎取三升溫服

一升日三服

噫影戒切○解謂大邪退散也胃為中土溫潤則  
 和不和者汗後亡津液邪乍退散正未全復而尚  
 弱也痞鞭伏飲搏膈也噫飽食息也食臭噉氣也  
 平人過飽傷食則噫食臭病人初瘥脾胃尚弱化  
 輸未強雖無過飽猶之過飽而然也水氣亦謂飲  
 也雷鳴者脾為陰胃為陽陰陽不和薄動之聲也  
 下利者惟陰陽之不和則水穀不分清所以雜逆  
 而走注也生薑大棗益胃而健脾黃芩黃連清上  
 而堅下半夏乾薑蠲飲以散痞人參甘草益氣而  
 和中然則瀉心者健其脾而脾輸益其胃而胃化  
 斯所以為瀉去其  
 心下痞鞭之謂也



傷寒論卷之二

義家塾重刊

①發汗病不解反惡寒者虛故也芍藥甘草附子湯

主之

芍藥甘草附子湯方

芍藥

三兩

甘草

三兩

附子

一枚炮去皮破八片

已上三味以水五升煮取一升五合去滓分温服

未汗而惡寒邪盛而表實仇讎之惡也已汗而惡寒邪退而表虛怯懦之惡也蓋汗出之後大邪退

散榮氣衰微衛氣疎慢病雖未盡解不他變而但惡寒故曰虛言表氣新虛而非病變也然榮者陰

也陰氣衰微故用芍藥之酸以收之衛者陽也陽氣疎慢故用附子之辛以固之甘草甘平合榮衛

而和諧之乃國老之所長也

②發汗後惡寒者虛故也不惡寒但熱者實也當和



# 胃氣與調胃承氣湯

上節乃略上條而復言所以起下文而以其反者  
 出也不惡寒其人表氣強也但熱亡津液而胃中  
 乾故曰實也當和胃氣以乾在胃而實也故曰與  
 調胃承氣湯然湯以瀉實而甘草則和中益氣何  
 也蓋實成於虛也所謂量鑿而正  
 柄其斯之謂與○方見太陽下

④發汗後身疼痛脈沈遲者桂枝加芍藥生薑各一

兩人參三兩新加湯主之

桂枝新加湯方

桂枝

三兩  
去皮

芍藥

四兩

甘草

二兩  
炙

人參

三兩

生薑

四兩  
切

大棗

十二枚  
擘

右六味以水一斗一升微火煮取三升去滓分溫服



如桂枝法

發汗後身疼痛脈沈遲者邪氣驟去血腑暴虛也  
用桂枝者和其榮衛不令暴虛易得重傷也加人  
參芍藥者收復其陰陽以益其虛也加生薑者健  
其乍回之胃以安其穀也曰新加者得非足一百  
一十三而成之之謂邪微火皆命也水驚慎也  
當做效首方此蓋後人之贅耳

發汗後不可更行桂枝湯汗出而喘無大熱者可

與麻黃杏人甘草石膏湯主之

麻黃杏人甘草石膏湯方

麻黃

四兩

杏人

五十箇

甘草

二兩

炙

石膏

半斤碎

右四味以水七升先煮麻黃減二升去上沫內諸藥



煮取二升去滓温服一升

更行猶言再用不可再用桂枝湯則是已經用過所以禁止也蓋傷寒當發汗不當用桂枝湯者鬱伏而不顯見也以傷寒之表猶在故用麻黃以發之杏仁下氣定喘甘草退熱和中本麻黃湯治之佐使也石膏有徹熱之功尤能助下喘之用故易桂枝以石膏為麻黃湯之變制而太陽傷寒誤汗轉喘之主治所以必四物者而後可行也

⑤發汗後飲水多者必喘以水灌之亦喘

喘屬肺肺屬金金性寒故曰形寒飲冷則傷肺汗後肺氣新虛易得重傷飲水飲冷也水灌則形寒肺傷矣其主氣所以皆喘也

⑥發汗過多其人叉手自冒心心下悸欲得按者桂

枝甘草湯主之



桂枝甘草湯方

桂枝

四兩  
去皮

甘草

二兩  
炙

右二味以水三升煮取一升去滓頓服

汗多則血傷血傷則心虛心虛則動惕而悸故父  
手自冒覆而欲得人按也桂枝走陰斂液宅心能  
固疎慢之表甘草緩脾和中益氣能調不足  
之陽然則二物之為方收陰補陽之為用也

大發汗後其人臍下悸者欲作奔豚茯苓桂枝甘草

大棗湯主之

茯苓桂枝甘草大棗湯方

茯苓

半斤

桂枝

四兩  
去皮

甘草

二兩  
炙

大棗

十五枚  
擘



右四味以甘瀾水一斗先煮茯苓減二升內諸藥煮取三升去滓溫服一升日三服

作甘瀾水法

取水二斗置大盆內以杓揚之水上有珠子五六千顆相逐取用之

臍下悸者腎乘心汗後液虛欲上陵心而剋之故動惕於臍下也欲作待作未作之謂奔豚見上篇然水停心下則悸茯苓淡滲勝水能伐腎臟之淫邪桂枝走陰降腎能禦奔豚於未至甘草益氣能補汗後之陽虛大棗和土能制為邪之腎水甘瀾水者揚之而使其性抵於純不令其得以助黨而長禍也

①發汗後腹脹滿者厚朴生薑甘草半夏人參湯主





之

厚朴生薑甘草半夏人參湯方

厚朴

半斤去皮炙

生薑

半斤切

半夏

半升洗

人參

一兩

甘草

二兩炙

右五味以水一斗煮取三升去滓温服一升日三服

汗後腹脹滿者胃中乾陽虛氣滯而伏飲停蓄也人參甘草之甘益胃而滋乾生薑半夏之辛蠲飲而散滿然脹非苦不泄所以厚朴者君四物而主治也

①傷寒中風醫反下之其人下利日數十行穀不化

腹中雷鳴心下痞鞭而滿乾嘔心煩不得安醫見心

下痞謂病不盡復下之其痞益甚此非結熱但以胃



中虛客氣上逆故使鞭也甘草瀉心湯主之

甘草瀉心湯方

甘草 四兩

黃芩 三兩

黃連 一兩

乾薑 三兩

半夏 半升

大棗 十二枚

右六味以水一斗煮取六升去滓再煎取三升温服

一升日三

傷寒中風言傷寒與中風皆有此變證大意與上篇第六十條同醫反下之至心下痞鞭而滿大略與上篇第三十五條同此多既誤而復誤不得安已上前誤成病也醫見至益甚言復誤而痞加重也此非結熱至末乃原致痞之因以出其治也甘草大棗之甘益反下之虛乾薑半夏之辛散上逆之滿黃芩黃連之苦解邪熱之煩然證大略與上篇第三十五條同而方物有同有異者不用桂枝



傷寒言... 義家塾重刊

以無表也同用甘草乾薑同爲益虛而散鞭也  
用參朮惡益氣也用大棗取滋乾也以既誤復誤  
而痞益甚故用芩連以爲乾薑之反佐脇  
同半夏以主散此其所以有異同之分焉

③傷寒服湯藥下利不止心下痞鞭服瀉心湯已復

以他藥下之利不止醫以理中與之利益甚理中者

理中焦此利在下焦赤石脂禹餘糧湯主之復利不

止者當利其小便

赤石脂禹餘糧湯方

赤石脂 一斤

禹餘糧 一斤

已上二味以水六升煮取二升去滓分三服

服瀉心湯已已上承上條而再言之也復以他藥  
下之利不止言再治之不對醫以理中與之利益



甚言愈誤也理中者已下乃明其誤而出其治難

經曰中焦者在胃中脘主腐熟水穀下焦者當膈

胱上口主分別清濁主出而不內以傳道也靈樞

曰水穀者常并居於胃中成糟粕而俱下於大小

腸而成下焦滲而俱下濟泌別汁循下焦而滲入

膀胱焉然則利在下焦者膀胱不滲而大腸滑脫

也禹餘糧甘平消痞鞭而鎮定其藏腑赤石脂

溫固腸虛而收其滑脫然收滑脫矣而利仍不止

者膀胱不滲而水穀不分也利小便者導其水而

分清之使腑司各行其事也腑司各行其所

有事則利無餘治而愈可必矣

⑤傷寒大下後復發汗心下痞惡寒者表未解也不

可攻痞當先解表表解乃可攻痞解表宜桂枝湯攻

痞宜大黃黃連瀉心湯

表非病初之表下復發汗言疎緩其表之表也解猶救也如解渴解急之類是也解表與發表不同

傷寒病初之表當發故用麻黃湯此以汗後之表當解故曰宜桂枝湯言與中風之表同當解肌而固衛也○桂枝湯方見上篇攻痞方說見下篇

⑤傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆

### 湯救表宜桂枝湯

清穀不止身疼痛者下後胃傷裏虛寒甚飲食不腐化而水穀不分亡津液而骨屬不利也救護也利甚身疼痛而急當救護其裏者下後裏虛爲重也清便自調言小便清而大便調也小便清大便調裏氣和矣裏氣和而身疼痛者衛不外固而不與榮和也急當救護其表者不令重虛之表又易得重傷也救裏宜四逆湯者復陽而收陰也救表宜桂枝湯者固衛以和榮也此救表救裏之所以各有其急也○四逆湯方見下篇桂枝湯方同上



⑤傷寒發汗若吐若下解後心下痞鞭噫氣不除者

旋復代赭石湯主之

旋復代赭石湯方

旋復花 三兩

人參 二兩

生薑 五兩

代赭石 一兩

半夏 半升

甘草 三兩

大棗 十二枚

右七味以水一斗煮取六升去滓再煎取三升温服

一升日三服

解謂大邪已散也心下痞鞭噫氣不除者正氣未復胃氣尙弱而伏飲爲逆也旋復半夏蠲飲以消痞鞭人參甘草養正以益新虛代赭以鎮墜其噫氣薑棗以調和其脾胃然則七物者養正散餘邪

傷寒論卷之... 二 義家塾重刊



之要用也

⑤傷寒八九日下之胃滿煩驚小便不利譫語一身盡重不可轉側者柴胡加龍骨牡蠣湯主之

柴胡加龍骨牡蠣湯方

柴胡

四兩

半夏

二合洗

龍骨

一兩半

牡蠣

一兩半煨

人參

一兩半

茯苓

一兩半

鉛丹

一兩半

桂枝

一兩半去皮

生薑

一兩半切

大黃

二兩

大棗

六枚擘

右十一味以水八升煮取四升內大黃切如碁子更

煮一二沸去滓温服一升



胃滿者下後裏虛外熱入裏挾飲而上搏於膈所以煩也驚屬心心藏神而居膈正虛邪勝所以不寧也一身盡重不可轉側者傷寒本一身疼痛亡津液而血澀不利故變沈滯而重甚也夫以心虛則驚也故用人參茯苓之甘淡入心以益其虛龍骨牡蠣鉛丹之重澀斂心以鎮其驚半夏辛溫以散胃膈之滿柴胡苦寒以除鬱熱之煩亡津液而小便不利參苓足以潤之胃中燥而讖語薑棗有以調也滿在膈中半夏開之非大黃不能滌重在一身人參滋之非桂枝不能和然是證也雖無三陽之明文而於是湯也總

請骨一兩半

三陽以和之之治可徵也

下後不可更行桂枝湯若汗出而喘無大熱者可與麻黃杏仁甘草石膏湯主之

前第十五條發汗後不可更行桂枝湯云云與此止差下字餘皆同夫以汗下不同而治同者汗與下雖殊其為反誤而致變喘則一惟其喘一所以同歸於一治也然以上篇第四十條誤下變喘用



桂枝厚朴杏子湯而觀之則此汗下後不可更用桂枝湯可知矣通考則義全

之  
⑤傷寒下後心煩腹滿臥起不安者梔子厚朴湯主

梔子厚朴湯方

梔子十四枚

厚朴四兩

枳實四兩湯浸去穰炒

已上三味以水三升半煮取一升半去滓分三服温

進一服得吐止後服

凡下而致變者皆誤也心煩者外邪入裏搏膈而鬱悶也腹滿者虛邪壅胃彭亨而不散也臥屬陰腹滿者陰滯也起屬陽心煩者陽鬱也所以皆不安寧也梔子苦寒快湧心胷之煩厚朴枳實主泄胃腹之滿所以三物者能安誤下後之不能安也



⑤傷寒醫以丸藥大下之身熱不去微煩者梔子乾薑湯主之

梔子乾薑湯方

梔子十四枚

乾薑二兩

右二味以水三升半煮取一升半去滓分二服溫進

一服得吐者止後服

丸藥誤用不惟病變而且毒遺誤於大下不獨亡陰而陽亦損所以身熱不去而微煩也梔子酸苦湧內熱而除煩乾薑辛熱散遺毒而益氣吐能散滯辛能復陽此之謂也

⑥傷寒五六日大下之後身熱不去心中結痛者未

欲解也梔子豉湯主之



梔子豉湯方

梔子

十四枚

香豉

四合

右二味以水四升先煮梔子得二升半內豉煮取一升半去滓分爲二服溫進一服得吐者止後服

此條結痛比上條微煩則較重一證而爭差分也前以差輕故散之以乾薑此以差重故解之以香豉蓋香豉能主傷寒寒熱惡毒煩躁滿悶然則二條者大同小異之分也

③發汗若下之而煩熱胃中窒者梔子豉湯主之

此條亦與上同窒者邪熱壅滯而窒塞未至於痛而比痛較輕也心居胃膈所以同爲一治

④發汗吐下後虛煩不得眠若劇者必反覆顛倒心

中懊懺梔子豉湯主之



虛煩不得眠者大邪乍退正氣暴虛餘熱悶亂胃中乾而不和也劇極也反覆顛倒心中懊懣者胃膈壅滯不得舒快也所以用梔子豉高者因而越之之法也

若少氣者梔子甘草豉湯主之若嘔者梔子生薑豉湯主之

梔子甘草豉湯方

於梔子豉湯方內加入甘草二兩餘依前法得吐

止後服

豉子生薑豉湯方

於梔子豉湯方內加生薑五兩餘依前法得吐止

後服



少氣者氣傷也故加甘草以益之  
嘔者氣逆也故加生薑以散之

⑤凡用梔子湯病人舊微溏者不可與服之

梔子酸苦大寒而湧泄病人舊微溏者裏氣本虛而藏腑寒也裏氣虛則易湧藏腑寒則易泄故揭

示禁止  
如此

⑥下之後復發汗必振寒脈微細所以然者以內外俱虛故也

內謂反下則亡陰而裏虛所以脈微細也  
外謂復汗則亡陽而表虛所以振寒也

⑦下之後復發汗晝日煩躁不得眠夜而安靜不嘔不渴無表證脈沈微身無大熱者乾薑附子湯主之

乾薑附子湯方



乾薑 一兩

附子 一枚去皮生用破八片

右二味以水三升煮取一升去滓頓服

反下亡陰陰既虛矣又復發汗以亡其陽則陽之虛比之陰為尤甚然陽用事於晝熱之煩陽之充也躁雖陰陽之擾也不得眠者陽不能勝陰而爭奪於陰也陰用事於夜安靜者無陽事也不嘔不渴無表證脈沈微身無大熱則陽大虛不足以勝陰為諦矣故用乾薑附子偏於辛熱以為湯者恢復重虛之陽而求以協和於偏勝之陰也

③傷寒若吐若下後心中逆滿氣上衝胃起則頭眩

脈沈緊發汗則動經身為振振搖者茯苓桂枝④朮

甘草湯主之

茯苓桂枝④朮甘草湯方

傷寒言何病之二

義家塾重刊



茯苓

四兩

桂枝

三兩  
去皮

白朮

二兩

甘草

二兩  
炙

右四味以水六升煮取三升去滓分温三服

心下逆滿伏飲上溢搏實於膈也氣上衝胃寒邪  
上湧挾飲為逆也動經傷動經脈振奮動也蓋  
人之經脈賴津液以滋養飲之為飲津液類也靜  
則為養動則為病病宜制勝之不宜發汗既吐下  
後脈又沈緊而復發汗則重亡津液氣血衰耗故  
變如此朮與茯苓勝溼導飲桂枝甘草固表和中  
故發汗動經所  
需者四物也

傷寒吐下後發汗虛煩脈甚微八九日心下痞鞭

脇下痛氣上衝咽喉眩冒經脈動惕者久而成痿

此申上條而復言失於不治則致廢之意上條脈  
沈緊以未發汗言也此條脈甚微以已發汗言也



經脈動即動經之變文惕即振振搖也大抵兩相更互發明之詞久言既經八九日若猶不得解而更失於不治則津液內亡溼淫外漬必致痺而成痿痿者兩足痿軟而不相及也

三 太陽傷寒者加溫鍼必驚也

溫鍼者鍼用必先燒溫以去其寒性也驚者心有所動而惶懼也蓋心乃神之舍故謂心藏神榮氣通於心故榮與心皆主血寒邪傷於榮鬱而蒸熱矣溫鍼以攻寒火之性大熱血得熱則耗耗則虛血虛則心虛心虛則舍空舍空則神無所依而氣浮越於外故失守而驚惶也

三 傷寒二三日心中悸而煩者小建中湯主之

小建中湯方

桂枝 三兩  
去皮

芍藥 六兩

甘草 二兩  
炙

生薑 三兩

膠飴 一升

大棗 十二枚





右六味以水七升煮取三升去滓內膠飴更上微火消解温服一升日三服嘔家不可用建中湯以甜故也

二三日當傳之時不傳不變但心中悸而煩者邪雖衰微正亦虛弱不足以退散之所以持也小建中者桂枝湯倍芍藥而加膠飴也桂枝湯扶陽而固衛衛固則榮和倍芍藥者酸以收陰陰收則陽歸附也加膠飴者甘以潤土土潤則萬物生也建中定法也定法惟中不偏不黨王道蕩蕩其斯之謂乎

傷寒脈結代心動悸炙甘草湯主之

甘草

四兩

生薑

三兩

桂枝

三兩

麥門冬

半升

麻子仁

半升

大棗

十二枚

人參 二兩

生地黄 一斤

阿膠 二兩

右九味以清酒七升水八升先煮八味取三升去滓

內膠烱消盡温服一升日三服一名復脈湯

脈結代而心動悸者虛多實少譬如寇欲退散注弱不能遣發而反自徬徨也人參甘草麥冬益虛以復結代之脈地黃阿膠麻人生血以寧動悸之心桂枝和榮衛以救實薑棗健脾胃以調中清酒為長血氣之助復脈乃核實義之名然則是湯也必欲使虛者加進而馴至於實則實者自退散而還復於元之意也○本條結代下文無代而有代陰中間疑漏代一節

脈按之來緩而時一止復來者名曰結又脈來動而中止更來小數中有還者反動名曰結陰也脈來動而中止不能自還因而復動名曰代陰也得此脈者

傷寒論卷之二

義家塾重刊



必難治 結陰也下當有代脈一段

此承結代而推言結陰代陰以各皆詳辨其狀與辨脈下第四章意同

④ 傷寒八九日風溼相搏身體疼煩不能自轉側不

嘔不渴脈浮虛而澀者與桂枝附子湯主之

桂枝附子湯方

桂枝 四兩 去皮 附子 三枚 炮去皮 破八片 生薑 三兩 切

甘草 二兩 炙 大棗 十二枚 擘

右五味以水六升煮取二升去滓分温三服

風溼相搏見上篇此以得之寒因故身體疼煩不嘔不渴也不能自轉側者溼主重著也浮風也虛則汗後之不足澀溼也與上篇小異而大同桂枝附子湯者即上篇之甘草附子湯以薑棗易朮之



變制也去朮者以寒本無汗不似風之自汗而溼  
多也用薑棗者以寒屬陰不如風陽之能食也然  
去彼取此雖少殊而其所  
以為散風除溼則均耳

若其人大便鞭小便自利者去桂枝加白朮湯主之

脈經末句湯  
名無白字

桂枝附子去桂枝加白朮湯方

於桂枝附子湯方內去桂枝加朮三兩餘依前法

大便鞭裏實矣故去桂枝惡其主表而不和裏也  
小便自利溼勝也故加朮以其益土而能燥溼也

○此加減  
舊闕今補

①太陽病項背強几几無汗惡風者葛根湯主之

葛根湯方



葛根

四兩

麻黃

三兩 去節

桂枝

三兩 去皮

芍藥

二兩

甘草

二兩 炙

生薑

三兩 切

大棗

十二枚 擘

右七味㕮咀以水一斗先煮麻黃葛根減二升去沫  
內諸藥煮取三升去滓溫服一升覆取微似汗不須  
啜粥餘如桂枝法將息及禁忌

太陽病項背強几几與上篇同者風寒過太陽之  
榮衛初交陽明之經絡經絡同所以風寒皆然也  
無汗者以起自傷寒故汗不出乃上篇有汗之反  
對風寒之辨別也惡風乃惡寒之互文風寒皆通  
惡而不偏有無也夫以太陽中風項背強几几汗  
出惡風用桂枝加葛根而論之則此太陽傷寒項  
背強几几無汗惡風當用麻黃加葛根而用葛根  
湯者何哉蓋几几乃加陽明之時喘已不作故去



杏人不用麻黃湯之全方不可以麻黃加為名劑  
 用麻黃桂枝甘草葛根以為湯者實則是麻黃加  
 之規制也用薑棗芍藥者以陽明屬胃胃為中宮  
 薑棗皆和中之物芍藥有緩中之義也不須啜粥  
 麻黃類  
 例也

望 太陽與陽明合病喘而胃滿者不可下麻黃湯主

之

合病見上篇肺主氣氣逆則喘喘甚則肺脹胃滿  
 者肺脹也胃乃陽明之部分喘乃太陽傷寒之本  
 病以喘不除甚而至於胃滿故曰合病然肺不屬  
 太陽陽明而太陽陽明合病之傷寒病全在肺何  
 也曰肺為五藏之華蓋內受諸經百脈之朝會其  
 藏金其性寒寒邪湊於榮肺以寒召寒類應故也  
 不可下者喘來自太陽之初滿惟在胃不在胃也  
 夫麻黃湯者主治太陽傷寒之初病有陽明何以  
 獨從太陽之主治也曰麻黃固善於散寒其功尤  
 能瀉肺家之實滿杏人惟其利於下氣故其效則



更長於定喘桂枝雖佐其實有綱維之妙甘草雖使其才有和緩之高是故太陽表之治行則陽明胃之功自奏矣

望 太陽與陽明合病者必自下利葛根湯主之

必定然之詞自謂自然而然而然也蓋太陽者膀胱也膀胱主水陽明者胃經也胃主穀寒為陰陰氣主下降故傷寒無他故自然而然下利者太陽陽明合病經中之邪熱甚胃氣弱不化穀不分清雜逆而走注所以謂之必也以必定自然而然而然下利故但用葛根湯散經中之寒邪而以不治治利以不治治利者麻黃散太陽之表葛根解陽明之肌桂枝主榮衛之和薑棗健脾胃之弱甘草者和中之國老芍藥者緩中而佐使夫如是而經中之邪散則胃中之正回不分清者自分清不顯治者而治在其中矣噫王者不治夷狄而夷狄治聖人無為而無不為所謂仁之盡義之至吾於是乎重有感焉彼以煦煦為仁子子為義竊聖人之王道以亂名實者謂不自欺以欺人公孫龍不能為之說也



哉悲

⑤二陽併病太陽初得病時發其汗汗先出不徹因轉屬陽明續自微汗出不惡寒若太陽病證不罷者不可下下之爲逆如此可小發汗設面色緣緣正赤者陽氣怫鬱在表當解之熏之若發汗不徹不足言陽氣怫鬱不得越當汗不汗其人躁煩不知痛處乍在腹中乍在四肢按之不可得其人短氣但坐以汗出不徹故也更發汗則愈何以知汗出不徹以脈澀故知也

轉與傳同見第五問○併病見上篇太陽初得病時至不惡寒是原致併之因若太陽證不罷至解



之熏之是言治之之次第若發汗不徹至未是反復申上文之詳徹除也去也不徹言汗發不如法病不除去也越散也言佛鬱不散也澀為血虛血虛者汗出過多也所以轉陽明也

○望傷寒六七日結胃熱實脈沈緊心下痛按之石鞭者大陷胃湯主之

沈為裏緊為寒結胃故心下痛熱實故石鞭方見上篇蓋證同也

○吳小結胃病正在心下按之則痛脈浮滑者小陷胃湯主之

小陷胃湯方

黃連 一兩

半夏 半升

枳實 一枚

右三味以水六升先煮枳實取三升去滓內諸藥煮



# 取二升去滓分温三服

正在心下言不似大結胃之高而在上也按之則痛言比不按亦痛則較輕也浮則淺於沈滑則緩

於緊此結胸之所以有大小之分也黃連苦寒以泄熱也半夏辛温以散結也栝蒌實苦而潤苦以

益苦則致熱於易泄為可知潤以濟辛則散結於無難開可必所謂有兼人之勇而居上功者惟此

物為然也

〔聖〕傷寒十餘日熱結在裏復往來寒熱者與大柴胡

湯但結胃無大熱者此為水結在胃脇也但頭微汗

## 出者大陷胃湯主之

水即飲也以不實鞭故曰水結胃脇亦裏也以熱結不高故曰在裏此條兩節上節以往來寒熱故

用大柴胡湯下節以水結無大熱故用大陷胃湯然熱結與水結胃脇與裏皆互詞大同小異皆下



法也○二方  
俱見上篇

○**吳**太陽與少陽合病自下利者與黃芩湯若嘔者黃

芩加半夏生薑湯主之

**黃芩湯方**

黃芩 三兩

甘草 二兩

芍藥 二兩

大棗 十二枚

右四味以水一斗煮取三升去滓溫服一升日再夜

一服

**黃芩加半夏生薑湯方**

於黃芩湯方內加半夏半升生薑三兩餘依黃芩



湯法

陽明間太少而中居太少病陽明獨能逃其申乎  
 是故芍藥利太陽膀胱而去水緩中黃芩除少陽  
 寒熱而主腸胃不利大棗益胃甘草和中也則四  
 物之為湯非合三家而和調一氣乎然氣一也則下  
 奪則利上逆則嘔半夏逐水散逆生薑嘔家聖藥加所當加無如二物

〔〕傷寒六七日發熱微惡寒支節煩疼微嘔心下支

結外證未去者柴胡加桂枝湯主之柴胡加桂枝湯方

黃柴胡 四兩 桂枝 一兩半 去皮 人參 一兩半

甘草 一兩 炙 半夏 二合半 洗 黃芩 一兩半

芍藥 一兩半 生薑 一兩半 切 大棗 六枚 擘

右九味以水七升煮取三升去滓分溫服



支節四肢百節也支結言支飲搏聚而結也發熱至微嘔太陽之表也故曰外證未去以微而未去也故加桂枝以解之支結屬少陽以結則難開也故用柴胡爲主治然則是證也雖無太少之明文而於太少之治以究之則亦因藥可以知病矣

⑤傷寒四五日身熱惡風頸項強脇下滿手足溫而渴者小柴胡湯主之

身熱惡風太陽表也頸項強有陽明也脇下滿少陽也然則三陽俱見病矣手足溫而渴者邪湊半表半裏而裏證見也夫以三陽俱見病而獨從少陽之小柴胡以爲治者太陽陽明之邪微少陽近裏而裏證見故從少陽一於和而三善則皆得也

⑥傷寒陽脈澀陰脈弦法當腹中急痛者先與小建中湯不差者與小柴胡湯主之



中陽主氣澀主痛陰主血弦主急投以小建中者求  
 之於益陰而和陽也不差則不對可知矣小柴胡  
 者少陽之主治也蓋少陽屬木其脈弦木盛則土  
 受制故澀而急痛也然則是治也者伐木以救土  
 之謂而三善也  
 也而裏筋以助其心也

⑤傷寒五六日已發汗而復下之胃腸滿微結小便

不利渴而不嘔但頭汗出往來寒熱心煩者此為未

解也柴胡桂枝乾薑湯主之

柴胡桂枝乾薑湯方

柴胡

半斤

桂枝

三兩  
去皮

乾薑

三兩

枳實根

四兩

黃芩

三兩

牡蠣

三兩  
熬

甘草

二兩



右七味以水一斗二升煮取六升去滓再煎取  
溫服一升日三服初服微煩後服汗出便愈

胃太陽陽明也脇少陽也小便不利太陽之膀胱  
不清也渴而不嘔陽明之胃熱而氣不逆也頭汗  
出者三陽之邪熱甚於上而氣不下行也往來寒  
熱心煩者少陽半表半裏之邪出入不常也柴胡  
黃芩主除往來之寒熱桂枝甘草和解未罷之表  
邪牡蠣乾薑鹹以奠其結辛以散其滿栝萸根者  
苦以滋其渴涼以散其熱是  
湯也亦三陽平解之一法也

☯️ 太陽病十日以去脈浮細而嗜臥者外解已也設

胃滿脇痛者與小柴胡湯脈但浮者與麻黃湯

脈浮細而嗜臥者大邪已退血氣乍虛而肢體倦  
怠也胃滿脇痛則少陽未除故與小柴胡以和之  
脈但浮則邪還表故  
與麻黃湯以發之



⑤傷寒十三日胃脇滿而嘔日晡所發潮熱已而微利此本柴胡證下之而不得利今反利者知醫以丸藥下之非其治也潮熱者實也先宜小柴胡湯以解外後以柴胡加芒硝湯主之

柴胡加芒硝湯方

於小柴胡湯方內加芒硝六兩餘依小柴胡湯法

十三日過經也不解壞例也非其治也已上乃原其壞由於醫之誤已下至末救誤之治也然微利矣加芒硝以更下之者丸之為丸大率辛熱物雖快攻下下者藥也熱以益熱熱結反實而不出故須鹹以溼之也

⑥傷寒五六日嘔而發熱者柴胡湯證具而以他藥





下之柴胡證仍在者復與柴胡湯此雖已下之不爲  
逆必蒸蒸而振卻發熱汗出而解若心下滿而鞭痛  
者此爲結胃也大陷胃湯主之但滿而不痛者此爲  
痞柴胡不中與之宜半夏瀉心湯

半夏瀉心湯方

半夏半升

黃芩二兩

乾薑二兩

人參三兩

黃連一兩

甘草三兩

大棗十二枚

右七味以水一斗煮取六升去滓再煎取三升溫服  
一升日三服



此條上節與上篇第六十三條互相發明蓋風寒  
 至少陽證治無差殊故更互為文而互言之以見  
 彼此皆然也若心下滿已下二節乃復言其變以  
 出其治結胃乃其變之重者以其重而結於胃故  
 從大陷胃湯痞則其變之輕者以其輕而痞於心  
 故用半夏瀉心湯半夏乾薑辛以散虛滿之痞黃  
 芩黃連苦以泄心膈之熱人參甘草甘以益下後  
 之虛大棗甘溫潤以滋脾胃於健曰瀉心者言滿  
 在心膈而不在胃也

⑤本以下之故心下痞與瀉心湯痞不解其人渴而

口燥煩小便不利者五苓散主之

瀉心湯者本所以治虛熱之氣痞也治痞而痞不  
 解則非氣聚之痞可知矣渴而口燥煩小便不利  
 者津液澀而不行伏飲停而凝聚內熱甚而水結  
 也五苓散者潤津液而滋燥渴導水飲而蕩結熱  
 所以又得為消痞滿之一治也

愈

⑤婦人傷寒發熱經水適來晝日明了暮則譫語如見鬼狀者此爲熱入血室無犯胃氣及上二焦必自

無與毋通○此與上篇末三條文少異而證同上篇言脈與如結胷狀此言晝日明了暮則譫語上篇言刺期門及與小柴胡湯此言無犯胃氣及上二焦皆互言以明互見之意晝屬陽明了者陰邪退也暮屬陰譫語者血證得陰而劇也毋者禁止之詞犯胃氣以禁下言也上二焦謂上焦中焦以禁汗吐言也蓋衛氣出上焦津液蓄於中焦汗則損衛氣而亡津液是汗則犯二焦也又上焦主受納中焦主受盛吐則納與盛俱爲逆是吐則上中二焦亦俱犯也然下固損胃下焦犯矣是三法皆不可用也三法皆不可用者邪本在血室亦非三者攻之所能及也必自愈者言伺其經行血下則邪熱得以隨血而俱出猶之紅汗而然故決言必定自解而愈以警人勿妄攻取致謬誤以生變





傷寒論條辨卷之三

新安方有執中行甫著

桐川陳廷柱斟鐫

渭南嚴式誨重刊

辨太陽病脈證并治下篇第三

凡三十八條方十八

中風者單只衛中於風而病也傷寒者單只榮傷於寒而病也若風寒俱有而中傷則榮衛皆受而俱病故以榮衛俱中傷風寒而病者為下篇蓋寒雖專令乎冬而風則無時不有所以或則單中單傷或則俱有而中傷也單中單傷而為病者已云難治矣然則俱中傷而病者其治不尤難乎何也



寒須發汗風則解肌欲並行而不諄其爲兩難也  
何如哉故能發兩難發之汗者名曰青龍能解兩  
難解之熱者名曰白虎能救無兩難而誤服大青  
龍之逆者則曰真武焉夫所謂青龍白虎真武者  
言其靈應不難於其所難妙效驗於不可測度有  
如此其神神湯之謂也神其神禮記曰唯聖者能  
之其斯之謂乎學者能明諸此始可與言醫也已

①太陽中風脈浮緊發熱惡寒身疼痛不汗出而煩  
躁者大青龍湯主之若脈浮弱汗出惡風者不可服  
服之則厥逆筋惕肉瞤此爲逆也

以真武湯救之



末後六字舊本大青龍湯主之黃氏正之如此蓋  
既曰不可服服之為逆則安得又復有大青龍湯  
主之之文傳寫之誤甚明黃氏正之甚是當從之  
後人又因其更改致疑併六字皆刪之刪之則上  
篇第二十五條無憑證據故存殊以備通考然此  
與下條互相發明而同一治故合二說併見於下

②傷寒脈浮緩身不疼但重乍有輕時無少陰證者

大青龍湯發之

大青龍湯方

麻黃

六兩  
去節

桂枝

二兩  
去皮

甘草

二兩  
炙

杏仁

四十枚  
去皮尖

生薑

三兩  
切

大棗

十二枚  
擘

石膏如雞子大

綿裹

右七味以水九升先煮麻黃減二升去上沫內諸藥



煮取三升去滓温服一升取微似汗汗出多者温粉  
撲之一服汗者停後服汗多亡陽遂虛惡風煩躁不  
得眠也

上條太陽中風者言有上篇第三條之證也病屬  
太陽則脈浮然浮以候風緊以候寒發熱者中風

熱即發也惡寒身疼痛不汗出皆寒也風為煩寒  
則躁蓋謂風寒俱有而中傷風多寒少之證猶指

言此風之中有寒之謂也此條傷寒者言有中篇  
首條之證也緩者風之診身不疼亦風也但重寒

也乍有輕時亦為有風而然也無少陰證者言若  
是但欲寐則涉於少陰之疑似矣今是但重故曰

無少陰證亦謂風寒兩中傷榮衛俱受病寒多風  
少之證猶指言此寒之中有風之謂也蓋風寒二

者大率多相因而少相離有寒時不皆無風有風  
時不皆不寒所以單中單傷者固嘗自是相兼而

中傷者亦嘗多有此大青龍之所以作也二條者  
互文而互相發明以為此篇之小總太陽分病之





紀上篇一中篇二此其三焉三者太陽一經喫緊  
太三辨也已下凡似此云云以爲稱首者皆風寒  
俱有而中傷之證其例則又皆統乎此也夫風寒  
二治大法不外乎桂枝麻黃之二湯然桂枝湯中  
忌麻黃而麻黃湯中反用桂枝此中有極深奧義  
非言語文字可以形容暴白者要在人之心領神  
會耳大青龍者桂枝麻黃二湯合劑之變制也故  
爲併中風寒之主治校之桂枝麻黃各半湯與桂  
枝二麻黃一湯則少芍藥而多石膏去芍藥者不  
欲其收也以其無芍藥而觀之卽麻黃湯方加石  
膏薑棗也薑棗本桂枝湯中所有其制則重在石  
膏按本草石膏辛甘大寒辛以散風甘以散寒寒  
以除熱故爲併中風寒發熱之用然青龍以桂枝  
麻黃得石膏之辛甘而有青龍之名其白虎亦以  
知母粳米得石膏之辛寒而有白虎之名一物二  
用得君而成其功名於異世神變於時者也夫所  
謂青龍白虎者青乃木色龍乃木神木主春春熱  
而煩躁雷雨解而致和焉人之汗以天地之雨名  
之龍興雲雨至發煩躁之汗而榮衛以和龍之所  
以爲湯神湯之謂也白乃金色虎乃金神金主秋



秋熱而燥渴金風解而薦涼焉人之氣以天地之疾風名之虎嘯谷風生解燥渴之熱而表裏以涼虎之所以爲湯神湯之謂也然均是龍也而一則曰主之一則曰發之何也主之者以煩躁之爲疾屬動而言發之者以但重之沈默屬靜而言之也○上條末節脈微弱汗出惡風蓋指上篇陽浮而陰弱中風之證而言中風誤服大青龍則爲逆其第二十五條是也與此參看其義自合○夫以中風之用桂枝湯傷寒用麻黃湯風寒俱中傷而用大青龍湯向使認病親切於克始用湯的對於及時則三法行之之下風寒尙有餘治乎然則三百九十七一百一十三者醫藥證誤之所致十八九疾病傳變之所致無二三由此觀之司命君子可能不惕惕於心乎是故仲景氏之所以若然者豈得已哉惟其不得已故諄諄然曰知犯何逆隨證治之知犯何逆以法治之斯言也豈非深憂天下後世而自致其不能盡其意耶嗚呼以仲景氏方法之多如許而猶自致其不能盡其所欲言之意如此則後之以截江殺車活人類證纂要自謂能盡傷寒之治而膠柱以待天下後世者

吾不知其是  
誠何心也

③太陽病脈浮緊無汗發熱身疼痛八九日不解表

證仍在此當發其汗服藥已微除其人發煩目瞑劇

者必衄衄乃解所以然者陽氣重故也麻黃湯主之

太陽病脈浮緊無汗發熱身疼痛皆與首條同而無惡寒煩躁則是較輕於首條亦風寒俱有而中傷之證也微除言雖未全罷亦已減輕也發煩風壅而氣昏也目瞑寒鬱而血滯也劇作衄之兆也衄鼻出血也鼻為肺之竅肺為陽中之陰而主氣陽邪上盛所以氣載血上妄行而逆出於鼻也陽氣以風而言也風為陽而由氣道所以得隨衄解散故曰陽氣重故也用麻黃湯者以寒屬陰性沈滯而難解所以須發之也○方見中篇下同

④太陽病脈浮緊發熱身無汗自衄者愈



四 此承上條復以其更較輕者言以見蓋亦有不治自愈之變所以曉人勿妄治以致誤之意太陽病脈浮緊發熱身無汗與上條同而無疼痛既無疼痛則比之上條又更較輕於首條可知矣所以不待攻治得衄則亦自愈得衄自愈者汗本血之液北人謂衄為紅汗達此義也

五 傷寒脈浮緊不發汗因致衄者麻黃湯主之

以傷寒為首稱而承之以脈浮緊者寒多風少之謂也上二條皆風多寒少前條以服藥已微除汗發不對而致衄上條以較輕得自衄此以寒多不發汗而致衄三條之所以辨差分也蓋寒多則於法當發汗當發而失於不發熱鬱血亂所以衄也衄則陽邪之風散麻黃湯者發其尚未散之寒也

六 脈浮緊者法當身疼痛宜以汗解之假令尺中遲

者不可發汗何以知之然以榮氣不足血少故也

令平聲○此總上三條而著其不可汗之脈所以嚴致戒慎之意也蓋尺以候陰遲為不足血陰也



榮主血汗者血之液尺遲  
不可發汗者嫌奪血也

⑦ 太陽病得之八九日如瘧狀發熱惡寒熱多寒少

其人不嘔清便欲自可一日二三度發脈微緩者爲  
欲愈也脈微而惡寒者此陰陽俱虛不可更發汗更  
下更吐也面色反有熱色者未欲解也以其不能得  
小汗出身必癢宜桂枝麻黃各半湯

桂枝麻黃各半湯方

杏仁

二十四箇  
去皮尖

桂枝

一兩十六  
銖去皮

芍藥

一兩

生薑

一兩  
切

甘草

一兩  
炙

麻黃

一兩  
去節

大棗

四枚  
擘

右七味以水五升先煮麻黃一二沸去上沫內諸藥



煮取一升八合去滓溫服六合

八九日約言久也如瘧狀謂有往來寒熱而無作輟之常也發熱惡寒熱多寒少者風寒俱有而寒

少風多也不嘔不渴清便欲自可邪之往來出者未徹表入亦未及裏也一日二三度發乃邪居淺

近則往來易及而頻數故脈亦微緩而謂為欲愈也脈微而惡寒已下重以不得解者言而出其治

也陰言後陽言前俱虛故禁攻也更再也不可汗已過表也不可吐下未見有裏也熱色陽浮外薄

也然陽雖外薄以陰寒持之而不能散所以小汗亦不能得出氣鬱而癢也桂枝麻黃各半湯者總

俗風寒而兩解之之謂也○此與第十四篇第二十章互看

⑧太陽病發熱惡寒熱多寒少脈微弱者此無陽也

不可更汗宜桂枝二越婢一湯

桂枝二越婢一湯方



桂枝 十八銖  
去皮

芍藥 十八銖

甘草 十八銖  
炙

生薑 一兩三錢切

大棗 四枚  
擘

麻黃 十八銖  
去節

石膏 二十四銖  
碎綿裹

右七味咬咀以水五升煮麻黃一二沸去上沫內諸

藥煮取二升去滓溫服一升本方當裁為越婢湯桂

枝湯合飲一升今合為一方桂枝二越婢一

發熱惡寒熱多寒少與上條同上條以脈微而惡寒為陰陽俱虛此以脈微弱為無陽兩皆不可更汗亦同然風為陽病屬太陽而曰無陽誠不可曉闕疑可也或曰無陽者謂有疾在陰而無在陽也審藥識病即越婢觀之可知矣越論也過也婢女子之卑者也女子陰也卑少也言其人本來虛弱有宿疾在少陰少陰之脈本微弱而有不可發汗之義所以但責其難發汗之過在於少陰法則謂



之無陽方則謂之越婢且是湯也名雖越婢之翰  
 桂枝實則桂枝麻黃之合劑乃大青龍以芍藥易  
 杏人之變制耳去杏人者惡其從陽而主氣也  
 芍藥者以其走陰而酸收也以此易彼而曰桂枝  
 二則主之以不發汗可知而越婢一者乃麻黃石  
 膏之二物則是寓微發於不發之中亦可識也寓  
 微發者寒少也主之以不發者風多而宿疾在  
 陰也又况首條末節不可服大青龍以發汗亦由  
 脈微弱首條末節者以太陽中風言也此與上二  
 條者皆以風多寒少言也合而觀之則無陽之陽  
 義不微矣乎說者  
 如此未知是否

九服桂枝湯大汗出脈洪大者與桂枝湯如前法若

形如瘧日再發者汗出必解宜桂枝二麻黃一湯

桂枝二麻黃一湯方

桂枝 一兩十七銖  
 去皮

芍藥 一兩  
 六銖

麻黃 十六銖  
 去節



生薑一兩六銖切

杏仁十六箇去皮尖

甘草一兩二銖炙

大棗五枚擘

右七味以水五升先煮麻黃一二沸去上沫內諸藥煮取二升去滓溫服一升日再服

服桂枝湯證轉大汗出脈轉洪大者風多寒少風邪欲散而寒持之兩皆不得解而熱反甚也與桂枝湯如前法者重蹟之也形如瘧日再發者邪居淺而外向終為微寒所持故曰汗出必解言須發之也桂枝二麻黃一湯者重解風而輕於散寒也

⑩服桂枝湯大汗出後大煩渴不解脈洪大者白虎加人參湯主之

此與上條同而多大煩渴益比上條汗更出過多亡津液而表裏燥熱更甚所以用白虎而解表裏



之熱加人參潤其燥而消其渴也。○方見下

①服桂枝湯或下之仍頭項強痛翕翕發熱無汗心

下滿微痛小便不利者桂枝湯去桂加茯苓白朮湯

主之

桂枝去桂加茯苓白朮湯方

於桂枝湯方內去桂枝加茯苓白朮各三兩餘依

桂枝湯法煎服小便利則愈

服桂枝湯病不解而證變者不獨中風而且有寒也又或下之益誤也仍頭項強痛翕翕發熱無汗者風寒之表皆在而未除也心下滿微痛者誤下而證入裏也小便不利下後亡津液而水飲停也去桂枝用芍藥甘草者收重傷之陰而益裏傷之虛也薑棗健脾胃而和中下後用之更宜故二物



仍其舊也茯苓淡滲以利竅尤能益土以勝水本  
其有停飲之故所以加之以爲拯前治之誤也○本  
脈經尤上  
無白字

③傷寒不大便六七日頭痛有熱者與承氣湯其小  
便清者知不在裏仍在表也當須發汗若頭痛者必

### 衄宜桂枝湯

有熱則不大便爲裏實明矣故雖頭痛亦宜承氣  
湯下之小便清則裏無熱可知故曰仍在表宜發  
汗然小便清而頭痛陽邪上盛也故衄可必而宜  
桂枝湯解之○承氣湯有四方此不明言要當隨  
證辨用耳桂枝  
湯方見上篇

④傷寒脈浮滑此表有熱裏有寒白虎湯主之

### 白虎湯方

知母 六兩

石膏 一劬碎  
綿裹

甘草 二兩  
炙

粳米 六合

右四味以水一斗煮米熟湯成去滓溫服一升日三

服

傷寒見中篇首條其脈不浮浮者風也言不獨傷於寒而亦有風則然也滑爲裏熱以滑且浮知熱不獨在裏也故指言此表有熱蓋表裏俱熱之謂也裏有寒者裏字非對表而稱以熱之裏言蓋傷寒之熱本寒因也故謂熱裏有寒指熱之所以然者言也夫寒與風俱中傷表與裏既皆熱欲兩皆而解之誠哉極其難也譬如夏秋兩屆之間燥熱酷甚非金風之薦涼則暑毒不解也是故白虎者西方之金神司秋之陰獸虎嘯谷風冷涼生酷暑消神於解秋莫如白虎知母石膏辛甘而寒辛者金之味寒者金之性辛甘且寒得白虎之體焉甘草粳米甘平而溫甘取其緩溫取其和緩而且和



南京中醫藥大學圖書館藏



得伏虎之用焉飲四物之成湯來白虎之嗥嘯陽  
氣者以天地之疾風名也湯行而虎嘯者同氣相  
求也虎嘯而風生者同聲相應也風生而熱解者  
物理必至也抑嘗以此合大小青龍真武而論之  
四物者四方之通神也而以命方蓋謂化裁四時  
神妙萬世名義兩符實自然而然者也方而若此  
可謂至矣然不明言其神而神卒不容掩者君子  
盛德此其道之所以大也與○此與厥陰篇第二

十五條  
互看

④傷寒脈浮發熱無汗其表不解者不可與白虎湯  
渴欲飲水無表證者白虎加人參湯主之

白虎加人參湯方

於白虎湯方內加人參三兩餘依白虎湯法

傷寒脈浮與上條同發熱無汗風寒之表在也故  
謂不解不可與白虎者白虎義取解秋嘯谷風而

身寒命系卒卒三

九

渭南嚴氏孝

涼收燥熱非為發表也渴欲飲水者裏熱燥甚亦  
救也無表證謂惡寒頭身疼痛皆除非謂熱也以  
證大意與上條同故主治亦與之同  
以多渴也故加人參之潤以滋之也

⑤傷寒無大熱口燥渴心煩背微惡寒者白虎加人參湯主之

參湯主之

無大熱風微也口燥渴心煩裏熱甚也背者太陽  
經脈之所過人身至陰之地不勝寒而有餘惡所  
以微也已上三條大意互相發  
明所以治亦相彷彿而不甚殊

⑥傷寒脈浮醫以火迫劫之亡陽必驚狂起臥不安

者桂枝去芍藥加蜀漆龍骨牡蠣救逆湯主之

桂枝去芍藥加蜀漆龍骨牡蠣救逆湯方

桂枝 三兩  
去皮

甘草 二兩  
炙

生薑 三兩  
切



牡蠣五兩

熬 龍骨四兩

大棗十二枚

蜀漆

二兩洗去腥

右為末以水一斗二升先煮蜀漆減二升內諸藥煮

取三升去滓溫服一升

亡陽者陽以氣言火能助氣甚則反耗氣也驚狂起臥不安者神者陽之靈陽亡則神散亂所以動皆不安陽主動也桂枝甘草和傷寒之脈浮蜀漆辛平散火邪之錯逆龍骨牡蠣固澀以收陽神之散亂大棗生薑醒脾以緩起臥之不安去芍藥者嫌其主陰則反得以勝陽也

①火逆下之因燒鍼煩躁者桂枝甘草龍骨牡蠣湯

主之

桂枝甘草龍骨牡蠣湯方



桂枝一兩 去皮

甘草二兩 炙

牡蠣二兩 熬

龍骨二兩

右四味為末以水五升煮取二升半去滓溫服八合

日三服

火逆承上條而言也然雖逆而又逆而證則未變重故方物反差少而大意不殊

六脈浮宜以汗解用火灸之邪無從出因火而盛病

從腰以下必重而痺名火逆也

痺溼病也因火逆治火邪夾陽邪而上逆真陽不通陰不用事化不行而水不得泄故溼著下體

而重 痺也

九傷寒脈浮自汗出小便數心煩微惡寒腳攣急反





與桂枝湯欲攻其表此誤也得之便厥咽中乾煩燥  
吐逆者作甘草乾薑湯與之以復其陽若厥愈足温  
者更作芍藥甘草湯與之其腳卽伸若胃氣不和譫  
語者少與調胃承氣湯若重發汗復加燒鍼者四逆  
湯主之

甘草乾薑湯方

甘草 四兩  
炙 兩 乾薑 二兩  
炮

右㕮咀以水三升煮取一升五合去滓分温再服

芍藥甘草湯方

白芍藥 四兩

甘草 四兩  
炙



右二味咬咀以水三升煮取一升半去滓分溫再服

調胃承氣湯方

大黃四兩去皮清酒浸 芒硝半觔

甘草二兩炙

右三味咬咀以水三升煮取一升去滓內芒硝更上

微火煮令沸少少溫服

四逆湯方

甘草二兩炙

乾薑一兩半

附子一枚

右三味咬咀以水三升煮取一升二合去滓分溫再

服強人可大附子一枚乾薑三兩



南京中醫藥大學圖書館藏



數音朔反音板○脚攣急者足經始終於足寒則拘攣也已上言風寒俱有之表裏證故謂與桂枝湯為反蓋桂枝是中風之主治反不順也厥謂四肢冷也咽中乾煩燥吐逆者誤汗損陽陽虛陰獨盛也甘草益氣乾薑助陽復其陽者充其氣之謂也厥愈足溫陽氣復也芍藥用白酸能斂陰而主血也甘草用炙甘能補中而益脾也脚即伸陰血行也蓋以一誤治而表裏俱傷故必求陰陽如此次第而俱復胃不和而讞語者亡津液而胃實也承氣而曰調胃者以胃屬陽而主裏故用甘草和陰陽而緩中也重發汗而復加燒鍼則二者皆有大損於陽矣故用偏於助陽之四逆以救其陽也

問曰證象陽旦按法治之而增劇厥逆咽中乾兩脛拘急而讞語師曰言夜半手足當溫兩腳當伸後如師言何以知此答曰寸口脈浮而大浮則為風大則

為虛風則生微熱虛則兩脛攣病證象桂枝因加附

子參其間增桂令汗出附子溫經亡陽故也厥逆咽

中乾煩燥陽明內結讖語煩亂更飲甘草乾薑湯夜

半陽氣還兩足當熱脛尚微拘急重與芍藥甘草湯

爾乃脛伸以承氣湯微溘則止其讖語故知病可愈

脛音幸。此申釋上文意象似也。陽以風言且曉也。言似中風分曉以不啻中風故設難詳申其義

且明治不可苟序不可紊以致戒慎之意末後不復言若重發汗已下一節者以其或然或不然故

也

①傷寒腹滿讖語寸口脈浮而緊此肝乘脾也名曰

縱刺期門



數音朔反音板○腳攣急者足經始終於足寒則  
拘攣也已上言風寒俱有之表裏證故謂與桂枝  
湯爲反蓋桂枝是中風之主治反不順也厥謂四  
肢冷也咽中乾煩燥吐逆者誤汗損陽陽虛陰獨  
盛也甘草益氣乾薑助陽復其陽者充其氣之謂  
也厥愈足溫陽氣復也芍藥用白酸能斂陰而主  
血也甘草用炙甘能補中而益脾也腳卽伸陰血  
行也蓋以一誤治而表裏俱傷故必求陰陽如此  
次第而俱復胃不和而讞語者亡津液而胃實也  
承氣而曰調胃者以胃屬陽而主裏故用甘草和  
陰陽而緩中也重發汗而復加燒鍼則二者皆有  
以大損於陽矣故用偏於助陽之四逆以救其陽  
也

問曰證象陽旦按法治之而增劇厥逆咽中乾兩脛  
拘急而讞語師曰言夜半手足當溫兩腳當伸後如  
師言何以知此答曰寸口脈浮而大浮則爲風大則

爲虛風則生微熱虛則兩脛攣病證象桂枝因加附  
子參其間增桂令汗出附子溫經亡陽故也厥逆咽  
中乾煩燥陽明內結讖語煩亂更飲甘草乾薑湯夜  
半陽氣還兩足當熱脛尙微拘急重與芍藥甘草湯  
爾乃脛伸以承氣湯微溲則止其讖語故知病可愈

脛音幸○此申釋上文意象似也陽以風言且曉也言似中風分曉以不啻中風故設難詳申其義且明治不可苟序不可紊以致戒慎之意末後不復言若重發汗已下一節者以其或然或不然故也

①傷寒腹滿讖語寸口脈浮而緊此肝乘脾也名曰縱刺期門



右二味以麻沸湯二升漬之須臾絞去滓分溫再服

此申上條言脈以出其治脈見關上者以痞在心下也以氣痞而濡所以浮也然痞之濡由熱聚也故用黃連清之於上聚雖氣也痞則固矣故用大黃傾之於下麻沸湯者其取圖經所謂去瘀之善

⑤心下痞而復惡寒汗出者附子瀉心湯主之

附子瀉心湯方

大黃 二兩

黃連 一兩

黃芩 一兩

附子

一枚炮去皮別煮取汁

右四味切三味以麻沸湯二升漬之須臾絞去滓內

附子汁分溫再服



痞本陰邪內伏而虛熱上凝復惡寒汗出則表虛而陽不為衛護可知矣瀉心湯固所以為清熱傾

否之用加附子蓋所以為斂其汗而固其陽也黃芩為附子而更加表裏兩解具見矣

⑤病脇下素有痞連在臍傍痛引少腹入陰筋者此

名臟結死

素舊常也臍傍陰分也藏陰也以陰邪結於陰經之藏攻之不可及所以於法為當死也

⑥臟結無陽證不往來寒熱其人反靜舌上胎滑者

不可攻也

無陽證言當藏結之時表已罷除無太陽也不往來寒熱言痞雖屬脇下由素常有而發非少陽傳

經之邪也反靜言無陽明之譏妄也舌心之苗也胎滑生長滑膩如胎膜也胎滑本由丹田有熱胸

中有寒而成然丹田陰也胸中陽也熱反在陰而寒反在陽所以為不可攻也





⑤問曰病有結胃有臟結其狀何如答曰按之痛寸脈浮關脈沈名曰結胃也何謂臟結答曰如結胃狀飲食如故時時下利寸脈浮關脈小細沈緊名曰臟結舌上白胎滑者難治

此設問答以明結胸臟結之同異時時下利者陰邪結於陰臟而寒甚也以寒甚故脈多小細與緊此其所以不同蓋結胃以陽邪結於陽臟結以陰邪結於陰故也未復申言臟結有難治之故者丁寧戒謹之意也

⑥傷寒表不解心下有水氣乾嘔發熱而欬或渴或利或噎或小便不利少腹滿或喘者小青龍湯主之  
小青龍湯方

小麻黃三兩去節

芍藥三兩

五味子半升

乾薑二兩

甘草三兩炙

半夏半升洗

桂枝三兩去皮

細辛三兩

右八味以水一斗先煮麻黃減二升去上沫內諸藥

煮取三升去滓溫服一升

水氣謂飲也欬與喘皆肺逆也蓋肺屬金金性寒水者金之子故水寒相搏則傷肺也或為多證者

水流行不一無所不之也夫風寒之表不解桂枝麻黃甘草所以解之水寒之相搏乾薑半夏細辛

所以散之然水寒欲散而肺欲收芍藥五味子者酸以收肺氣之逆也然則是湯也乃直易於散水

寒也其猶龍之不難於翻江倒海之謂歟夫龍一也於其翻江倒海也而小言之以其興雲致雨也

乃大言之能大能小化物而不泥於物龍固如是夫白虎真武雖無大小之可言其於主乎人身而



爲四體之元神則不偏殊故在風寒之厲病皆有  
感而遂通之妙應若謂與在天之主四時者期如  
此則去道遠矣故曰道不遠人而不爲索隱行怪  
者聖賢無身外之道也老氏以降龍伏虎爲造道  
之始其亦知夫反求諸身  
之謂乎讀者願可忽哉

### 加減法

或爲諸證之治

若微利者去麻黃加薤花如鷄子大熬令赤色

麻黃發汗

利則不宜而或爲諸證皆去者以汗則重

若渴者

去半夏加栝萸根三兩

渴津液不足也去半夏以其燥津液也加栝萸根以

其微熱而生津也

若噎者去麻黃加附子一枚炮

噎與餽咽同水

寒空氣也附子者利氣散水寒也

若小便不利少腹滿去麻黃加

茯苓四兩

水停下焦而不行則小便不利而少腹滿茯苓淡滲故能通竅而利水道也



若喘者去麻黃加杏仁半升去皮尖

喘水氣射肺而聲息不利

也加杏仁潤肺以下其氣也

⑤傷寒心下有水氣欬而微喘發熱不渴服湯已渴

者此寒去欲解也小青龍湯主之

發熱不渴寒勝也故以服湯已而渴為寒去欲解大意與上條相倣故治亦同

⑥太陽病二三日不能臥但欲起心下必結脈微弱

者此本有寒分也反下之若利止必作結胷未止者

四日復下之此作協熱利也

二三日邪熱正熾之時也不能臥但欲起者邪屬裏而熱壅甚所以知其心下必結也寒分與溫病等篇第四條之寒分同所以脈微弱也利止作結胷熱反上逆也四日承上文二三日而言也未句



此下疑  
有脫誤

⑤傷寒發熱汗出不解心下痞鞭嘔吐而下利者大

柴胡湯主之

傷寒不汗出得汗出則解不解者以有風而誤於  
偏攻熱反入裏所以變痞鞭嘔吐而下利也大柴  
胡湯者合表裏而兩皆  
解之也○方見上篇

⑥發汗若下之病仍不解煩躁者茯苓四逆湯主之

茯苓四逆湯方

⑦茯苓

六兩

人參

一兩

甘草

二兩

乾薑

一兩

附子

一枚生用去  
皮破八片

右五味以水五升煮取三升去滓温服七合日三服



誤汗則亡陽而表疎誤下則亡陰而裏傷煩躁者風寒俱有而熱甚也茯苓人參入心以益虛心

則液斂也四逆湯者回陽入心以復陰陽倡則陰隨也

傷寒病若吐若下後七八日不解熱結在裏表裏

俱熱時時惡風大渴舌上乾燥而煩欲飲水數升者

白虎加人參湯主之

不解以大勢言不獨謂表也表裏俱熱言風寒俱有也時時惡風言表未除也以舌乾燥煩而表裏之熱俱甚故用白虎以大渴欲飲水故加入人參○方見前

傷寒五六日頭汗出微惡寒手足冷心下滿口不

欲食大便鞭脈細者此為陽微結必有表復有裏也

脈沈亦在裏也汗出為陽微假令純陰結不得復有



外證悉入在裏此爲半在裏半在外也脈雖沈緊不  
得爲少陰病所以然者陰不得有汗今頭汗出故知  
非少陰也可與小柴胡湯設不了了者得屎而解

表以頭汗出微惡寒手足冷言裏以心下滿口不  
欲食大便鞭言陽微結謂由陽氣衰微故結不可  
全責病於陰也脈沈亦在裏言不但細爲在裏以  
見表裏證俱有也汗出爲陽微至此爲半在裏半  
在外也一節是申釋上文脈雖沈緊至故知非少  
陰也一節言此但以頭汗可辨爲有陽不然餘皆  
似少陰曉人當致精細大意類第二條第二條以  
中傷之初故脈如彼而用大青龍以發汗此以五  
六日證屬半表半裏而脈如此故從小柴胡以和  
解之也未言和之若猶不愈則當消息胃實而用  
治故曰得  
屎而解

傷寒胃中有熱胃中有邪氣腹中痛欲嘔吐者黃



連湯主之

黃連湯方

黃連 三兩

甘草 三兩 炙

乾薑 三兩

人蔘 二兩

桂枝 三兩 去皮

半夏 半升 洗

大棗 十二枚 擘

右七味以水一斗煮取六升去滓溫服一升日三服

夜二服

胃上焦也熱以風言陽也言陽熱搏於上焦也胃  
 中焦也邪氣以寒言陰也言陰寒鬱於中焦也腹  
 中痛陰凝而窒滯也欲嘔吐熱壅而上逆也夫熱  
 搏上焦黃連清之非桂枝不解也寒鬱中焦人參  
 理之非乾薑不散也甘草大棗益胃  
 而和中半夏辛溫寬胃而止嘔吐也





〔三〕傷寒有熱少腹滿應小便不利今反利者爲有血也當下之不可餘藥宜抵當丸

抵當丸方

水蛭

二十箇 熬

蟪蟲

二十五箇 熬去翅

桃仁

二十箇 去皮尖

大黃

三兩

右四味杵分爲四丸以水一升煮一九取七合服時當下血若不下更服

應平聲辟音醉○此與上篇第二十一已下三條同以風寒俱有而此上篇爲難解故用上篇之方而變湯爲丸然名雖丸也猶煮湯焉夫湯蕩也丸緩也變湯爲丸而猶不離乎湯其取欲緩不緩不蕩而蕩之意歟且曰不可餘藥言即使如上篇之用湯猶未爲對必如是而後可亦奇制也其猶兵



家之入陣歟八陣武侯兵也變則反正為奇以奇為正謂醫與將同道者尚在同一權變哉時周也時

⑤得病六七日脈遲浮弱惡風寒手足溫醫一



之不能食而脇下滿痛面目及身黃頸項強小便難者與柴胡湯後必下重本渴而飲水嘔者柴胡湯不中與也食穀者噦

六七日經盡之時也脈遲浮弱風寒入裏而表未除所以猶惡風寒也手足溫半入於裏而未可下也不能食誤下而裏傷也脇下滿痛邪搏少陽也面目及身黃土受木賊而色外薄也頸項強太陽陽明之證猶在也小便難亡津液也後以大便言下重者柴胡裏陰已虛而氣滯也本渴而飲水嘔者水逆也柴胡不中與者以嘔由水逆非少陽或為之證也食穀者噦言過飽則亦當噦噫申明

上文嘔非柴胡所宜  
之意末後疑有脫落

⑤傷寒十三日不解過經讖語者以有熱也當以湯  
下之若小便利者大便當鞭而反下利脈調和者知  
醫以丸藥下之非其治也若自下利者脈當微厥今  
反和者此爲內實也調胃承氣湯主之

熱風也言俗謂傷寒過經不解者以庸工不省併  
中有風誤於治之所致也若自下利至末乃推明  
其所以爲誤而出其救誤之治反和  
以不厥信非宜謂平和○方見前





南京中医药大学图书馆藏

其所以... 又味管... 醫以... 不... 矣

傷寒論條辨卷之三終  
成都周啟椽校字

傷寒論條辨卷之三終

成都劉彝銘覆校

傷寒論條辨卷之四

新安方有執中行甫著

桐川陳廷柱斟鐫

渭南嚴式誨重刊

辨陽明病脈證并治第四

凡七十七條

陽明者胃經也其法不以經病為例而例以胃家實為正不以經病為例者陽明路接太陽經病由傳從太陽過而後受多則太陽未除故須仍從太陽例如凡凡合病之類是也過此再入陽明胃實當之病一入胃胃為五臟六腑之海而吉凶生死幾焉不復有經可言矣故經無例可出而凡胃實



者不得不出例此陽明所以與餘經不同也彼以  
一經再經循經越經規規於數日以論證者為足  
與語聖賢言外之意哉

①陽明之為病胃家實也

陽明經也胃府也實者大便結為鞭滿而不得出也作於遲早不同非日數所可拘所謂二日陽明者以經言也經主三陽傳路之中不專病而專病在胃實故胃實反得以揭陽明之總與太陽之揭總者經病雖不同要之所以為揭例則一也餘經皆有總揭其例則通乎二者而同推以此觀之則非全書之言不出於輕視而漫易哉

②問曰病有太陽陽明有正陽陽明有少陽陽明何謂也答曰太陽陽明者脾約是也



此條三節此節三問一答通下文二節乃三答詞蓋原三陽所以入胃之殊因也太陽陽明者謂大陽受病經入胃而成胃實也脾約見第六十一條此舉大意詳見後

### 正陽陽明者胃家實是也

正謂本經也以病到本經遂入胃而成胃實故指首條謂卽此是也然大槩亦只是如此

少陽陽明者發汗利小便已胃中燥煩實大便難是

也

少陽陽明者以病到少陽方才入胃而成胃實者言也發汗以下三陽皆然乃獨於少陽發者以少陽主半表半裏表裏皆不可攻故也然三者之因雖少殊要亦不過互明耳

③問曰陽明病外證云何答曰身熱汗自出不惡寒

反惡熱也



身熱汗自出起自中風也不惡寒反惡熱邪過榮衛入裏而裏熱甚也此以太陽中風傳入陽明之

外證  
言

④問曰何緣得陽明病答曰太陽病發汗若下若利

小便此亡津液胃中乾燥因轉屬陽明不更衣內實

大便難者此名陽明也

亡轉皆見太陽篇○中風本自汗故發汗已下皆致傳陽明勢易也古人大便秘更衣不更衣言不

大便也此以太陽中風傳入陽明之裏證言

⑤問曰病有得之一日不發熱而惡寒者何也答曰

雖得之一日惡寒將自罷即自汗出而惡熱也

不發熱而惡寒起自傷寒也惡寒將自罷邪過表也即自汗出邪熱鬱於陽明之肌肉腠理反開津





液反得外泄也惡熱裏熱甚也此以太陽傷寒傳入陽明之外證言

六問曰惡寒何故自罷答曰陽明居中土也萬物所歸無所復傳始雖惡寒二日自止此為陽明病也

此承上條之答詞復設問答而以其裏證言無所復傳者胃為水穀之海五臟六腑四體百骸皆資養於胃最宜通暢實則祕固復得通暢則生止於祕固則死死決於此矣尙何復傳惡寒二日自止者熱入裏而將反惡熱以正陽陽明言也以病二日而其幾有如此則斯道之精微豈專專必於談經論日所能窺測哉

七傷寒發熱無汗嘔不能食而反汗出濇濇然者是轉屬陽明也

濇照吉切○發熱無汗追言太陽之時也嘔不能食熱入胃也反汗出者肌肉著熱膚腠反開也濇



濺熱而汗出貌

⑧傷寒轉繫陽明者其人濺濺然微汗出也

此承上條復以微汗申言重致丁寧也

⑨本太陽初得病時發其汗汗先出不徹因轉屬陽

明也

徹除也言汗發不對病不除也此言由發太陽汗不如法致病入胃之大意以爲總結上文

⑩傷寒三日陽明脈大

傷寒三日該中風而大約言也凡類此者皆倣此脈大陽明氣血俱多也

⑪陽明病欲解時從申至戌上

申酉戌陽明之王時也正氣得其王時則邪不能勝故退而自解也



①陽明病脈遲汗出多微惡寒者表未解也可發汗

宜桂枝湯

遲者緩之變汗出多微惡寒者風邪猶有在表者故曰未解也可發汗例也宜桂枝湯謂仍須解其肌則入胃之路自絕也○方見太陽上

②陽明病脈浮無汗而喘者發汗則愈宜麻黃湯

浮者緊之轉邪外向也無汗而喘者寒邪在表未全除也故曰發汗則愈言當仍從解外也宜麻黃湯者言當散窮寇於境界也○方見太陽中

③陽明病若能食者名中風不能食者名中寒

此以食之能否喻人驗風寒之辨蓋陽明主水穀風能食陽能化穀也寒不能食陰不殺穀也名猶言為也中寒即傷寒之互詞大意推原風寒傳太陽而來其辨驗有如此者非謂陽明自中而然也



○玉機微義謂惜乎仲景不言中寒經言中寒殆不止此何嘗不言彼以經爲不言者其意將以爲中之與傷有各別之分也殊不知經稱中傷三字於風寒者要亦從來之通稱經因通稱以爲稱非經之稱始也。想從來通稱之意大約不過以風寒本天之二氣中傷是以人之被之而爲稱譬如稱人之中於箭傷於刃只可在刀箭瘡上認病豈向中傷上摸影由此言之則中風與傷寒之說必須於風寒二病上認得證候分曉不當在中傷上各別尋頭腦也。且以經文大義考之措詞多是互相發則中傷二字亦是互相爲用不言可知矣。通篇雖無傷風一說然以傷寒復稱中寒論之則中風得稱傷風亦可推也。世俗又有感冒之稱蓋由愚夫愚婦不知中傷與感本素靈之互文乃諱中傷爲重而起趨感冒爲輕以便尉問之風遂成弊習耳。原無關輕重之義。讀書貴格致窮理明道以正俗乃舍古不稽一從流俗直欲於虛文上爭差分不究事實而求多於往哲可不正謂之冥行索塗東西一聽候於呼叱哉。

⑤脈陽微而汗出少者爲自和也汗出多者爲太過

輕高而上前者爲陽微以中風之緩言中風本自汗故言出少爲自和和對太過言謂未至太過耳非直謂平和太過者以其失於不治與凡治之不對致出不已者言也

陽脈實因發其汗出多者亦爲太過太過爲陽絕於

裏亡津液大便因鞭也

實以傷寒之緊言傷寒本無汗故曰因發其汗發而出之過多則與自出過多者同一致故曰亦爲太過自此以下乃總結上文以申其義陽絕即亡陽蓋汗者血之液血爲陰陰主靜本不自出蓋所以出者陽氣之動鼓之也故汗多則陽絕豈惟陽絕亡津液即亡陰也讀者最宜究識

⑥太陽病三日發汗不解蒸蒸發熱者屬胃也調胃

承氣湯主之



此槩言陽明發熱之大意三日舉大綱言也蒸蒸熱氣上行貌言熱自內騰達於外猶蒸炊然故曰

屬胃也調胃和陽明之正也○方見太陽下篇

①陽明病本自汗出醫更重發汗病已差尙微煩不

了了者此大便必鞭故也以亡津液胃中乾燥故令

大便鞭當問其小便日幾行若本小便日三四行今

日再行故知大便不久出今為小便數少以津液當

還入胃中故知不久必大便也

差與瘥同穿介切令平聲為去聲○差小愈也以亡津液至大便鞭是申釋上文當問其小便日幾

行至末是詳言大便出不出之所以然蓋水穀入胃其清者為津液粗者成渣滓津液之滲而外出

者則為汗瀦而下行者為小便故汗與小便出多皆能令人亡津液所以渣滓之為大便者乾燥結



鞭而難出也然二便者水穀分行之道路此通則彼塞此塞則彼通小便出少則津液還停胃中胃中津液足則大便潤潤則輒滑此其所以必出可知也

⑥陽明病自汗出若發汗小便自利者此爲津液內竭雖鞭不可攻之當須自欲大便宜蜜煎導而通之若土瓜根與大豬膽汁皆可爲導

### 蜜煎導方

蜜七合一味內銅器中微火煎之稍凝似飴狀攪之勿令焦著欲可丸併手捻作梃子令頭銳大如指長二寸許當熱時急作冷則鞭以內穀道中以手急抱欲大便時乃去之



豬膽汁方

大豬膽一枚瀉汁和醋少許以灌穀道中如食

頃當大便出

雖上或下當有大便二字○竭亦亡也上條以小便數少故知大便當自出此以小便自利而用導

反復互相發也然皆不用下者以非熱也

⑨陽明病脈遲雖汗出不惡寒者其身必重短氣腹

滿而喘有潮熱者此外欲解可攻裏也手足濇然而

汗出者此大便已鞭也大承氣湯主之若汗多微發

熱惡寒者外未解也其熱不潮未可與承氣湯若腹

大滿不通者可與小承氣湯微和胃氣勿令大泄下





大承氣湯方

大黃

四兩酒洗

厚朴

半斤炙去皮

枳實

五枚炙

芒硝

二合

右四味以水一斗先煮二物取五升去滓內大黃煮取二升去滓內芒硝更上火微一兩沸分溫再服得下餘勿服

小承氣湯方

大黃

四兩酒洗

厚朴

二兩炙去皮

枳實

三枚炙大者

已上三味以水四升煮取一升二合去滓分溫二服初服湯當更衣不爾者盡飲之若更衣者勿服之

脈遲不惡寒表罷也身必重陽明主肌肉也短氣腹滿而喘胃實也潮熱陽明王於申酉戌故熱作



於此時如潮之有信也手足濺然汗出者脾王四  
 支而胃為之合胃中熱甚而蒸發騰達於四支故  
 曰此大便已鞭也承氣者承上以逮下推陳以致  
 新之謂也曰大者大實大滿非此不効也枳實泄  
 滿也厚朴導滯也芒硝稟堅也大黃蕩熱也陳之  
 推新之所以致也汗多微發熱惡寒皆表也故曰  
 外未解也其熱不潮胃中未定熱陽明信不立也  
 小承氣者以滿未鞭不須稟也故去芒硝而未復  
 致大下之戒也更衣古人致大便之恭也夫胃實  
 一也以有輕重緩急之不同故承氣有大小調胃  
 之異制湯有多服少服之異度蓋稱物平施由義  
 之謂道也然則竊三益而濫稱承氣者冒也惡足  
 與語道哉

①陽明病潮熱大便微鞭者可與大承氣湯不鞭者  
 不與之若不大便六七日恐有燥屎欲知之法少與  
 小承氣湯湯入腹中轉失氣者此有燥屎乃可攻之

若不轉失氣此但初頭鞭後必澹不可攻之攻之必  
脹滿不能食也欲飲水者與水則噦其後發熱者必  
大便鞭而少也以小承氣湯和之不轉失氣者慎不  
可攻也

黃氏曰矢漢書作屎古屎矢通失傳寫誤○上條  
訣人以手足汗出為當下之時此以潮熱轉矢氣  
次第而詳言亦訣人當下之二候也轉矢氣反屁  
出也脹滿藥寒之過也噦亦寒傷胃也鞭而少重  
下故也未句重  
致丁寧之意

③陽明病下之心中懊懣而煩胃中有燥屎者可攻  
腹微滿初頭鞭後必澹不可攻之若有燥屎者宜大  
承氣湯



氣 可攻以上以轉矢氣言懊懣悔懣痛恨之意蓋藥力未足以勝病燥鞭欲行而攪作故曰可攻言當

更服湯以促之也腹微滿以下以不轉矢氣言頭鞭後溏裏熱輕也故曰不可攻之言當止湯勿服

也末二句乃申上節以決治意

⑤陽明病讖語發潮熱脈滑而疾者小承氣湯主之

因與承氣湯一升腹中轉失氣者更服一升若不轉

失氣勿更與之明日不大便脈反微澀者裏虛也為

難治不可更與承氣湯也

六 此承上文又以讖語并脈言亦訣人下候及斟酌用湯度數之意滑以候食故為大便鞭之診疾裏

熱甚也然滑疾有不寧之意不可不知微者陽氣不充澀者陰血不足故曰裏虛也難治者氣不充

則無以為運行血不足則無以為潤送故曰陽微不可下無血不可下此之謂也



⑤夫實則讖語虛則鄭聲鄭聲重語也

實以邪言讖語呢喃不了之妄語也虛以正言以重語釋鄭聲者謂語聲之出由於邪實正虛濁惡而厭聽也

⑥直視讖語喘滿者死下利者亦死

直視精不榮於目也讖語神不主乎心也喘則陽爭於上利則陰奪於下胃中土也陰陽爭奪於上下而中氣不守故無法可治而皆主死也

⑦發汗多若重發汗者亡其陽讖語脈短者死脈自

和者不死

汗本血之液陽亡則陰亦虧脈者血氣之道路短則其道窮矣故亦無法可治而主死也和則病雖竭而血氣則未竭故知生可回也○此疑太陽篇錯簡



⑤陽明病發熱汗多者急下之宜大承氣湯

胃實本由於無津液而內燥汗多則津液益亡矣急下者竭則不可治也

⑥發汗不解腹滿痛者急下之宜大承氣湯

發汗不解者失之過度也腹滿痛者胃不和也急下者滿去則痛止也

⑦腹滿不減減不足言當下之宜大承氣湯

此申明上條而訣用治之意

⑧傷寒吐後腹脹滿者與調胃承氣湯

吐亦無津液而胃又傷腹雖滿而非熱結調胃承氣者陽明之正也○方見太陽下

⑨太陽病若吐若下若發汗微煩小便數大便因鞭者與小承氣湯和之愈



此總亦胃實由於亡津液而皆宜小和者通該戒大下之意也

⑤陽明病其人多汗以津液外出胃中燥大便必鞭鞭則讖語小承氣湯主之若一服讖語止更莫復服

此與上條互意多汗見後

⑥傷寒若吐若下後不解不大便五六日上至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脈弦者生澀者死微者但發熱讖語者大承氣湯主之若一服利止後服

此以勢重言獨自也與譫互意循衣摸牀陽偏勝而躁動於手也弦者陰氣強澀者陰不足陽熱劇



甚有餘陰以際之故生可回也  
陰不足而陽獨治故死可知也

⑤汗出讖語者以有燥屎在胃中此為風也須下之

過經乃可下之下之若早語言必亂以表虛裏實故

也下之則愈宜大承氣湯

過經謂寧遲遲非謂待十三日後也言出於心心為胃之母子能令母虛故下早則必亂也表虛裏

實謂外邪悉入胃也

⑥得病二三日脈弱無太陽柴胡證煩燥心下鞭至

四五日雖能食以小承氣湯少少與微和之令小安

至六日與承氣湯一升若不大便六七日小便少者

雖不能食但初頭鞭後必澹未定成鞭攻之必澹須





小便利屎鞭乃可攻之宜大承氣湯

令平聲○太陽不言藥以有桂枝麻黃之不同也柴胡不言證以專少陽也凡似此為文者皆互發也以無太少故知諸證屬陽明以脈弱故宜微和至六日已下歷敘可攻不可攻之節度

陽明病心下鞭滿者不可攻之攻之利遂不止者

死利止者愈

上條心下鞭而用下者以屬陽明胃也此謂心下鞭滿不可攻者以邪聚陽明之膈也所以然者陽明之脈上至額顙其支別者從大迎前下人迎循喉嚨入缺盆下膈也攻亦下也利遂不止其人陰本虛也利止者其人陽氣勝也

陽明病不吐不下心煩者可與調胃承氣湯

不由吐下而心煩則發於胃實可知也用調胃承氣者無雜故也



⑤傷寒六七日目中不了了睛不和無表裏證大便

難無微熱者此為實也急下之宜大承氣湯

了了猶瞭瞭也素問曰陽明主肉其脈俠鼻絡於目靈樞曰足陽明之正上循咽出於口還繫目系

合於陽明也又曰足陽明之筋其支者上頸上掖口合于頰下結于鼻上合於太陽太陽為目上綱

陽明為目下綱所以目中不了了睛不和知胃實也急下者任脈循面入目督脈上行兩目中央諸


脈皆屬於目而人之精神注焉是以如是其急也

⑥傷寒嘔多雖有陽明證不可攻之

嘔屬太陽故曰嘔多雖有陽明不可攻以多則太陽猶有未除可知也雖字當翫味

⑦食穀欲嘔者屬陽明也吳茱萸湯主之得湯反劇

者屬上焦也



吳茱萸湯方

吳茱萸一升

人參三兩

生薑六兩

大棗二十

枚擘

右四味以水七升煮取二升去滓服七合日三服

食穀欲嘔胃寒也故曰屬陽明言與惡寒嘔逆不同也茱萸辛溫散寒下氣人參甘溫固氣安中大棗益胃生薑止嘔四物者所以為陽明安穀之主治也上焦以膈言亦戒下之意

五罕陽明病讞語有潮熱反不能食者胃中必有燥屎五六枚也若能食者但鞭尔宜大承氣湯

尔與爾同○不能食寒因也故屎燥能食因於風也故但鞭尔

五望傷寒脈浮而緩手足自溫者是為繫在太陰太陰



者身當發黃若小便自利者不能發黃至七八日大便鞭者為陽明病也

正

傷寒脈浮而緩見太陽下篇然緩以候脾脾主四末故手足自溫為繫在太陰身當發黃者脾為溼

望

土為胃之合若不能為胃以行其津液溼著不發則鬱蒸而身發黃黃為土色土主肌肉故也小便

自利津液行也行則溼去矣所以不能發黃胃中乾大便鞭而為陽明病也

望

陽明中風口苦咽乾腹滿微喘發熱惡寒脈浮而

緊若下之則腹滿小便難也

陽明之脈俠口環脣然膽熱則口苦咽為膽之使故口苦則咽乾腹滿熱入陽明也微喘發熱惡寒脈浮而緊風寒俱有而太陽未除也下之腹滿者誤下則裏虛外邪未除者乘虛而盡入內陷也小

吳

便難亡津液也



〔聖〕陽明病脈浮而緊咽燥而口苦腹滿而喘發熱汗出不惡寒反惡熱身重若發汗則燥心憤憤反讖語若加燒鍼必怵惕煩燥不得眠若下之則胃中空虛客氣動隔心中懊憹舌上胎者梔子豉湯主之

憤匣爲切怵穿橘切惕透吉切○燥亦乾也發熱已上與上條同惡熱陽明血氣俱盛也以當太陽時惡寒今惡熱故曰反也身重陽明主肌肉溼土重著也汗出熱在肌肉腠理反開也已上三節言汗下燒鍼皆不可故著其變以示謹也憤憤心亂貌怵惕恐懼貌舌胎見太陽下篇彼以藏結故爲難治此以膈熱故湧之以梔子鼓○方見太陽中

若渴欲飲水口乾舌燥者白虎加人參湯主之

此又以變渴更治言○方見太陽下



若脈浮發熱渴欲飲水小便不利者豬苓湯主之

豬苓湯方

豬苓

一兩 去皮

茯苓

一兩

阿膠

一兩

滑石

二兩

澤瀉

一兩

右五味以水四升先煮四味取二升去滓內下阿膠

烱消溫服七合日三服

此又以小便不利再出豬苓茯苓從陽而淡滲阿膠滑石滑澤以滋潤澤瀉瀉鹹寒走腎以行水水行

則熱泄滋潤則渴除

⑤陽明病汗出多而渴者不可與豬苓湯以汗多胃

中燥豬苓湯復利其小便故也



此承上條復以汗多不宜  
豬苓湯申致戒謹之意

⑤陽明病脈浮而緊者必潮熱發作有時但浮者必

盜汗出

浮而緊與前同故申言必潮熱但浮則  
陽盛陽盛則陰虛陰虛所以盜汗出也

⑥太陽病寸緩關浮尺弱其人發熱汗出復惡寒不

嘔但心下痞者此以醫下之也如其不下者病人不

惡寒而渴者此轉屬陽明也小便數者大便必鞭不

更衣十日無所苦也渴欲飲水少少與之但以法救

之渴者宜五苓散

數音朔○以表證與脈在故知痞為誤下之所致  
以表除而作渴故知轉屬陽明十日無所苦者以



津液偏滲而致乾非熱結也以乾而渴故與水而宜五苓○方見太陽上

望陽明中風脈弦浮大而短氣腹都滿脇下及心痛

久按之氣不通鼻乾不得汗嗜臥一身及面目悉黃

小便難有潮熱時時噦耳前後腫刺之小差外不解

病過十日脈續浮者與小柴胡湯脈但浮無餘證者

與麻黃湯若不尿腹滿加噦者不治

尿與溺同泥叫切○茲少陽浮太陽大陽明脇下痛少陽也小便難太陽之膀胱不利也腹滿鼻乾

嗜臥一身及面目悉黃潮熱陽明也時時噦三陽具見而氣逆甚也耳前後腫陽明之脈出大迎循

頰車上耳前太陽之脈其支者從巔至耳少陽之脈下耳後其支者從耳後入耳中出走耳前也然

則三陽俱見證而曰陽明者以陽明居多而任重也風寒俱有而曰中風者寒證輕而風脈甚也續





浮謂續得浮故與小柴胡從和解也但浮無餘證者風雖外向終為微寒持也故發之以麻黃不尿腹滿加噦者邪盛於陽明而關格所以無法可治也○小柴胡湯見太陽上麻黃湯見太陽中○尿南人心  
崔切

○陽明病脈遲食難用飽飽則微煩頭眩必小便難

此欲作穀瘴雖下之腹滿如故所以然者脈遲故也

瘴廣韻作疸○遲為寒不化穀故食難用飽穀不化則與熱搏濕鬱而蒸氣逆而不下行故微煩頭眩小便難也瘴黃病也穀瘴水穀之濕蒸發而身黃也下則徒虛胃氣外邪反乘虛陷入所以腹滿仍舊也末乃申上文雖義以致不可下之意

○陽明病若中寒不能食小便不利手足澀然汗出

此欲作固瘕必大便初鞭後溏所以然者以胃中冷



水穀不別故也

大便溏薄

以飲食不化腐積聚成堅固也末亦申上文致勿下之意

瘕匣牙切○固堅固瘕積聚以本寒因水穀不化腐積聚成堅固也末亦申上文致勿下之意

⑤陽明病欲食小便反不利大便自調其人骨節疼

翁翁如有熱狀奄然發狂濺然汗出而解者此水不

勝穀氣與汗共併脈緊則愈

奄影檢切○欲食胃氣將回也陽明以胃實為正故小便不利大便自調為反也骨節疼如有熱餘

表未除也奄然忽然也發狂陽明之所以作汗也水不勝以小便反不利言穀氣以欲食言蓋謂所

以汗出者由小便不利胃回不作實故得汗得汗則表併解故曰脈緊則亦愈也

⑥陽明病不能食攻其熱必噦所以然者胃中虛冷

故也以其人本虛故攻其熱必噦



攻熱皆寒藥故知必噦胃中虛以不能食言此亦戒謹之意

⑤傷寒四五日脈沈而喘滿沈為在裏而反發其汗

津液越出大便為難表虛裏實久則讖語

滿胃實也逆溢則喘越出謂枉道而出也表虛津液越出也裏實大便難也

⑥脈浮而遲表熱裏寒下利清穀者四逆湯主之若

胃中虛冷不能食者飲水則噦

此疑三陰篇錯簡

⑦陽明病但頭眩不惡寒故能食而欬其人必咽痛

若不欬者咽不痛

眩風旋而目運也風故不惡寒能食欬逆氣咽門胃之標也胃熱而氣逆攻咽則欬痛咽傷也



⑤陽明病法多汗反無汗其身如蟲行皮中狀者此以久虛故也

法多汗言陽明熱鬱肌肉腠理反開應當多汗故謂無汗為反也無汗則寒勝而腠理反祕密所以身如蟲行皮中狀也久虛寒勝則不能食胃不實也

⑥陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

此亦寒勝故小便利嘔欬手足厥手足為諸陽之本三陽皆上頭故手足厥者必苦頭痛也

⑦陽明病下之其外有熱手足溫不結胃心中懊懣饑不能食但頭汗出者梔子豉湯主之

下之外有熱外者外散也故手足溫不結胃心中懊懣者雖不結胃而膈中則鬱煩也頭汗見太陽



上○方見  
太陽中

⑤陽明病口燥但欲漱水不欲嚥此必衄

漱音瘦○口爲胃竅胃熱則口燥漱水不欲嚥者  
陽明血氣俱多雖燥不渴也衄者以血氣俱多而  
脈起於鼻故熱甚則血  
妄行必由鼻而出也

⑥脈浮發熱口乾鼻燥能食者則衄

浮因於風也風爲  
陽所以證如此也

⑦脈浮而芤浮爲陽芤爲陰浮空相搏胃氣生熱其

陽則絕

芤俗讀丘○浮爲氣上行故曰陽芤爲血內損故  
曰陰胃中生熱者陰不足以和陽津液乾而成枯  
燥也陽絕卽亡陽之互  
詞○此上二條疑錯簡



⑤ 跌陽脈浮而澀浮則胃氣強澀則小便數浮澀相搏大便爲難其脾爲約麻仁丸主之

麻仁丸方

麻子 二升

芍藥 半斤

枳實 半斤

大黃 一斤  
去皮

厚朴

一斤  
去皮

杏仁

一斤  
去皮  
尖熬研脂

右六味爲末煉蜜爲丸桐子大飲服十九日三服漸

加以和爲度

數音朔○跌陽胃脈也其脈在足跌上動脈處去陷谷三寸又曰衝陽一名會元浮爲陽盛故主胃強澀爲陰虛故小便數約約束也胃爲脾之合脾主爲胃以行其津液胃強則脾弱脾弱則不能爲胃行其津液以四布使其得以偏滲於膀胱爲小便數大便乾而胃實猶之反被胃家之約束而受



其制故曰其脾為約也麻子杏仁能潤乾燥之堅  
枳實厚朴能導固結之滯芍藥斂液以輔潤大黃  
推陳以致新脾雖  
為約此可疏矣

⑤陽明病發熱汗出此為熱越不能發黃也但頭汗  
出身無汗劑頸而還小便不利渴飲水漿者此為瘵  
熱在裏身必發黃茵陳蒿湯主之

茵陳蒿方

茵陳蒿

六兩

梔子

十四枚擘

大黃

二兩

右三味以水一斗先煮茵陳減六升內二味煮取三  
升去滓分溫三服小便當利尿如皂角汁狀色正赤  
一宿腹減黃從小便去也

越散也頭汗痲熱發黃皆見太陽篇茵陳逐溼鬱之黃梔子除胃家之熱大黃推壅塞之瘀三物者

苦以泄熱熱泄則黃散也

⑤陽明病面合赤色不可攻之必發熱色黃小便不利也

利也

合應也赤熱色也陽明之脈起於鼻胃熱上行面應赤色攻則亡津液故發熱色黃小便不利

⑥陽明病無汗小便不利心中懊懣者身必發黃

無汗小便不利則溼停懊懣溼停熱鬱也所以知黃必發也

⑦陽明病被火額上微汗出小便不利者必發黃

陽明之脈循髮際至額顛故被火熱甚汗出額上也黃火迫土也

⑧陽明病下血譫語者此為熱入血室但頭汗出者





刺期門隨其實而瀉之澌然汗出則愈

血室頭汗期門皆見大陽篇陽明之脈其直者從缺盆下乳內廉下俠臍入氣街中血室之脈起於氣街上行至胃中而散所以婦人熱入血室則似結胃而讖語陽明熱入血室則亦讖語下血男順女逆道則同也故亦刺期門

⑤陽明病證其人喜忘者必有畜血所以然者本有久瘀血故令喜忘屎雖鞭大便反易其色必黑宜抵當湯下之

喜忘好忘前言往事也志傷則好忘然心之所之謂志志傷則心昏心昏則血滯所以知必有畜血也大便秘反易血主滑利也黑血色也○方見太陽上篇

⑥病人無表裏證發熱七八日雖脈浮數者可下之



假令已下脈數不解合熱則消穀善饑至六七日不大便者有瘀血宜抵當湯

表謂無太陽裏謂胃不實雖脈浮數可下者久也合熱謂數脈不退熱亦應未除也善饑猶言快饑也不大便是有瘀血大意與血諦反覆略同此疑太陽篇錯簡

若脈數不解而下不止必協熱而便膿血也

抵當下之數仍不退熱未除也利不止所以知協熱必便膿血也

⑤陽明病發潮熱大便溏小便自可胃脇滿不去者

小柴胡湯主之

潮熱少陽陽明之涉疑也大便溏小便自可胃不實也胃脇滿不去則潮熱仍屬少陽明矣故須仍

從小柴胡方見太陽上



④陽明病脇下鞭滿不大便而嘔舌上白胎者可與

小柴胡湯上焦得通津液得下胃氣因和身濺然而

汗出解也

此承上條而言即使不大便而脇下鞭滿在若有嘔與舌胎則少陽為多亦當從小柴胡上焦通鞭滿開也津液下大便秘行也百體皆受氣於胃故胃和則身和汗出而病解○方見太陽上

⑤二陽併病太陽證罷但發潮熱手足絳絳汗出大

便難而讖語者下之則愈宜大承氣湯

此以太陽陽明言謂須太陽罷方可治陽明之意

⑥陽明少陽合病必下利其脈不負者順也負者失

也互相尅賊名為負也脈滑而數者有宿食也當下



# 之宜大承氣湯

陽明屬土其主水穀少陽屬木其主風風主飡泄故知下利可必也陽明脈大少陽脈弦不負謂大而木剋土不大則土受木賊少陽勝而陽明負謂弦則相得猶言不宜也滑主食數主熱宿食可知也大承湯者陳宜推所以通因通用也

⑤三陽合病腹滿身重難以轉側口不仁而面垢讞

語遺尿發汗則讞語下之則額上生汗手足逆冷若

自汗出者白虎湯主之

陽明主胃胃主肌肉而通竅於口不仁謂不正而飲食不利便無口之知覺也然則腹滿身重不仁讞語陽明也靈樞曰足少陽之正上肝貫心以上挾咽出頤頷中散於面故又曰是動則病口苦善太息心脇痛不能轉側甚則面微有塵垢亦塵也遺尿太陽膀胱不約也故曰三陽合病五合之表



裏俱傷也發汗則偏攻太陽邪併於陽明而譫語益甚下則偏攻陽明不惟陰虛而陽亦損故手足逆冷而額上生汗生不流也是則汗下皆不可也自汗者邪遍三陽熱搏五合衛疎而表不固榮弱而裏不守也夫汗下既皆不可和之於少陽則亦偏於一而非所宜是故白虎者能解秋而徹表裏之熱所以又得為三陽通該之一解也然病屬三陽治又不從陽明而類陽明篇者一則陽明居多二則陽明屬土土者萬物之所歸而病之吉凶生死幾焉所以歸重於陽明而入其類例此又叔和之深意也○方見太陽下

④傷寒發汗已身目為黃所以然者以寒溼在裏不解故也以為不可下也於寒溼中求之

上為去聲○此揭下文三條之總溼以汗發不對言詳見瘧溼腸篇中裏以黃言不可下者裏非表裏之裏也寒溼中求之以下文三條言也



⑤傷寒瘀熱在裏身必發黃麻黃連軀赤小豆湯方  
麻黃連軀赤小豆湯方

麻黃二兩 赤小豆一升 杏仁四十枚 連軀二兩

大棗十二枚 生薑一兩 甘草二兩 生梓白皮一兩

已上八味以潦水一斗先煮麻黃再沸去上沫內諸

藥煮取三升分溫三服半日則盡

此條互上條之文以出治併下二條乃三目也麻黃甘草杏仁利氣以散寒麻黃湯中之選要也連軀小豆梓皮行溼以退熱去瘀散黃之領袖也薑棗益土為尅制潦水無力不助溼○軀本草作翹翹本鳥尾以草子析開其間片片相比如翹得名軀本使者小車乘馬者無義疑誤

⑥傷寒七八日身黃如橘子色小便不利腹微滿者



茵陳蒿湯主之

此與上略同而較重橘子色言黃之鮮明也腹微滿溼不行也○方見前

⑤傷寒身黃發熱者梔子蘘皮湯主之梔子蘘皮湯方

梔子十五枚

甘草一兩

黃蘘一兩

右三味以水四升煮取一升半去滓分溫再服

此承上三條而以發熱出然熱既發於外則裏證較輕可知故解之以梔子蘘皮而和之以甘草以爲退之之輕劑所謂於寒溼中求之者蓋亦參酌乎上三條而近取云也○已上四條疑太陽中篇

錯簡當移

辨少陽病脈證并治第五凡九條

少陽主半表半裏半不也不表不裏者隙地也夫



以表實則可汗裏實則可下上實則可吐隙無實  
可言故汗下吐皆無其法而其合併之病又皆已  
雜出於太陽陽明篇中所以本篇條目少無可攻  
之道也無可攻者一則界限也故表裏分先後自  
此而終始然則隙地反當要衝無治最有關係謂  
小柴胡湯爲通行套藥不擇地而可施豈不諄哉

①少陽之病口苦咽乾目眩也

少去聲下皆同之下當有爲字○少陽者膽經也  
其脈起於目銳眥靈樞曰足少陽之正上肝貫心  
以上挾咽出頤頷中故又曰是動則病口苦苦膽  
之味也咽膽之使也口苦咽乾熱聚於膽也眩目  
旋轉而昏運也少陽屬木木生火而  
主風風火扇搖而燔灼所以然也



②少陽中風兩耳無所聞目赤胷中滿而煩者不可吐下吐下則悸而驚

首句以攢名揭總舉大綱言三陰篇中如此云云者皆然少陽之脈上抵頭角下耳後其支者從耳後入耳中出走耳前其支者下胷中貫膈肝主目膽爲之合風爲陽而主氣耳無聞者風塞則氣塞也目赤者風熱則氣昏也胷滿而煩者風鬱則膈熱也少陽本無吐下法其經又多氣少血吐下復傷其經則血愈少而虛血虛則心虛所以神識昏亂怔忡而驚也

③傷寒脈弦細頭痛發熱者屬少陽少陽不可發汗發汗則讖語此屬胃胃和則愈胃不和則煩而悸

少陽屬木故其脈弦細則欲入裏也讖語者奪其血液而胃乾故心荒而亂也胃和以未至實言不和言實也然上條以風言風主氣故禁吐下此以寒言寒主血故禁汗對舉以示教也

④本太陽病不解轉入少陽者脇下鞭滿乾嘔不能

食往來寒熱尙未吐下脈沈緊者與小柴胡湯

少陽之脈其支者下膈中貫膈絡肝屬膽循脇裏其直者從缺盆下腋循膈過季脇故病則鞭滿嘔

不能食也往來寒熱見太陽上篇浮緊爲弦沈緊者得之寒因也。方見太陽上

若已吐下發汗溫鍼譏語柴胡證罷此爲壞病知犯

何逆以法治之

此承上文復以亂治不對而致變劇者言與太陽上篇第五十二條意同以法卽隨證之互詞

⑤三陽合病脈浮大上關上但欲眠睡目合則汗

太陽脈浮陽明脈大關上乃少陽之部位故曰三陽合病但欲眠睡者熱聚於膽也目合則汗出者

少陽少血虛則不與陽和寐屬陰故盜出也



⑥傷寒三日三陽爲盡三陰當受邪其人反能食不嘔此爲三陰不受邪也

陽以表言陰以裏言能食眞陽勝而表邪散也不嘔裏氣和而胃氣回也陰不受邪可知也

⑦傷寒三日少陽脈小者欲已也

小謂不弦也已愈也

⑧少陽病欲解時從寅至辰上

寅卯辰少陽木王之時也邪雖不勝正解必在乎得其時道固如此也外道而言意豈不謬哉

⑨傷寒六七日無大熱其人燥煩者此爲陽去入陰故也

去往也言表邪往而入於裏所以外無大熱而內則燥煩也愚按太陽中傷傳陽明轉少陽陽去入



陰乃風寒之病人自表而漸裏通章之大義斯道之自然仲景喫緊為人之要旨也讀者最宜精思

熟玩

六 論寒六七日無大熱其人熱飲善食為陽

平熱其辨後因取與也平熱而善食不與

八 少則瀉為和和則實空氣土

必与愈也  
小階不故

十 熱深三日少則瀉小管為也

不謂其深而日深則瀉也

論此為三劍不受深也

成都周啟椽校字

傷寒論條辨卷四終

盡三劍當受

成都劉彝銘覆校

